

頃下武昌罷讀陶子五  
律詩慰我願然眷歎不  
舍今  
之律如塑男女者偶焉而已  
豈有好合之情膏媿之羨乎  
陶子律如以火配水以月配  
日水有形而火無質月缺而





日圓若不相侔實則相須者  
善夫陶子之用律也詩之律  
如手足耳眼之不可特也苟  
可特鼻特在面舌特在口何  
不可者今以無情之詩必成  
有偶之律豈異續雙鼻雙舌  
配其手足耳眼者哉陶子曰  
公之言天言也事不師古而  
能美尊者未之有也敢問詩  
奚代而若余曰苟美矣奚若  
哉古毛茹今午烹飪之龍卷  
裸袖今也繪陶復穴厥初居

應舉作詩宣美凡可放流才  
智皆足析破古圈何獨歌詩  
臣僕先往一語不顛則咤之  
矣舜重瞳柳跖同之則爲賊  
子面蒙俱陽席似焉暴亂而  
已假有能爲三百五篇漢魏  
晉唐詩歌儼若古人重起者  
余猶疑爲盜跖之瞳亂臣之  
面也而况赤白塗而圖像者  
乎陶子曰言則侈矣美矣天  
下或不用公言如用公言則  
若以斯禍燔盡詩書其不遠



矣余笑而不荅持書其不盡

不短不嘉魚尹民興題言陳

平園子曰言

面也始出

余

晉



冠松巖詩集總目

卷之首

賦

卷之一

古體

卷之二

咏史

卷之三

五言古

卷之四

七言古

卷之五

五言排律  
五言律

卷之六

七言律上

卷之七

七言律下

卷之八

五言絕  
六言絕  
七言絕



冠松巖詩藁首卷

寧都魏和公

遂安毛會侯

兩先生閱

楚長沙陶之典五徽父著

男 焮 煊 熾 輯

賦

紀讀書賦 有序

生於文史之門讀書其分也然頗憾少時鉢心帖括所讀者無用之書中歲亂離憂患識字不識時

益悔書不宜讀幸而偷活至老汶匕踴匕束手無  
一事則又舍書無以過日也於是晨夕以之未嘗  
牽他嗜慕誠如尤延之所謂寒當裘飢當肉寂莫  
當友朋銷憂當琴瑟者胥是物矣人之與物全忘  
非是不樂有笑予老而自苦者予不能止也因紀  
述生平用荅笑者而猶以之自警衰情云

懿夫勗哉生天壤之兩間閱身世之多變恨何以積  
而自消途何以岐而不眩上賴古人翼我履踐蓋終  
身資夫洛誦者若農父之服先疇而故物重於鼎彝  
者伊青璫之與黃卷緬維少歲挾背騫雲耻隨博塞  
之子求觀秘省之文輩起多英招皆共席時方競穎  
試必冠軍亦旣收懷鉛之小効竊貴紙而有聞矣爾  
乃跡絕窺園情專獻賦扃齋扉謝門屢窳限宵鐘興  
依曙吐披漢庭應詔之弘詞睇滕閣乘風之快遇心  
之鉢矣比若淬鈎采欲翹焉庶其豐羽雖則雄似之  
薦未成而驗揣摩之工可喻爰有錫山夫子督學高  
公彙旃  
先來主楚書懸金鏞以激湖樂關玉府而先石渠名  
流會聚藻採波餘微全楚知名同  
席濂溪書院繞藜燈兮星燦紛



元松岩詩集卷之首  
二  
篋笥兮虹紆莫不才雕龍而繡虎人鳳鳥而鯤魚吾  
用是益遙集英華之座而欲深窺河洛之儲焉如何  
崩圻頓散雲章石泐金銷兮徧彈鉦曲芝焚畹棘兮  
獨弔芸香昔細論尊酒者徒續賞欣於夢寐新懸字  
國門者遂判霄壤而參商我則俊謝識時罹遭多故  
桓碑泯字而皆然古錦藉塗而何怒然而求諸墻壁  
不敢沒黃農虞夏之遺返於禮園不敢荒仁義忠孝  
之素依在陰而息孤保和鳴置一卷於床時紆憂思  
於是北窗可卧緗帙還陳侍汎覽流觀之席省賞竒

析義之晨或臨顏帖出而乞米或借漢書入以斟酌

遂歡然紹四時之詠樂

先君嘗和先大父作  
四時讀書樂之歌

漸爾積

羣玉而忘貧此三徑篇章所以晚出石谿風物所以

更新也若乃

藩邸開尊

諸王問字掛經後載之

車鼓篋維垣之地左史分燈嘉賓序位禮樂莫蔚於

河間波瀾蚤濶夫曹植摹漢策兮憶賈傳之季賦梁

園兮魏馬卿之至如斯閱歲業在燕宮邈趨庭之日

隔懷獨立而心悅請返南陔斯須遂決歸談往事欣

慨無窮則有若六館題名之賜額

崇禎庚午先君積  
分第一賜題名太學



帝京紀物之遺編

楚劉同人先生著

正統叢碑之鳥奕

國學有遺碑御製

名臣誦事之題鐫差慰情於睹記得指述

而流連維時先君懽言釋倚笑遊子之敝裘歎諸

王之輝藥程家贈墨幾笏鳳池高麗鈔書雙開蠶紙

呈斐案以備時需破愁顏而舒小喜乃書昨歲之耄

歌

先君八表作耄歌三十首

粲新章於筆底江干車馬正駐浣花

暇日酣謠方呼對鯉詎招殘入社之人忽捐棄昇輿

之子嗚呼雪沉袁榻春絕邵窩抱遺文而忍死傷手

澤以無何廬桐岡之壟下奉蓮蹟於雲阿

先君手書法華經

敬護青松還耘帶艸感深鬱栢永廢蓼我祇慎之心

乘敢墜畢生之趨步奚他於是循草蔬遠城郭涉竺

墳揆丘索全鏡榮木之書

彙刻先人榮木堂詩文全集

小闢讐篇

之閣聊憑卷以送餘年勉荷薪而承舊學因思抗俗

益濯襟靈詮經則奉康成爲能近聖推昭素爲足方

寧讀史則諒司馬俠遊本當時之發憤悟歐陽五代

標亂世之彞型於以遡莊列之玄同辨荀楊之大小

奇仲連海上之函偉教授河汾之表蓋頗略疵以就

醇弗崇虛而附矯矣其他油素別貯箱巾久不親干



祿之籍時一涉爾雅之津自秦灰所未及嘗古汲而  
旁詢觀鄭氏之蟲疏錯也効李家之獺祭鱗也對鼠  
豹不驚其博澁篠驂更攷其因此則通古今之所未  
容淺也至若潛夫立言之隱切偉長著論之逡巡栗  
里傳述之唱歎譙山遺錄之肫誠每三覆而莫置與  
羣書爲不倫然後知教讀孝經者專主於正不觀玄  
艸者各有所臻此則情深一往非徒獵藻而澆塵也  
願幸崦嵫猶清聽視嗜慕何岐眠食與比竟欲相資  
以引年抑將苟免夫內愧或謂耄而宜息吾不受憐  
或謂麓而徒勤吾不悔瘁誠酣其味莫爲醒傳實樂  
不疲寧以彼易平生歷也今信開卷之銷我繁憂宇  
宙紛也今惟此事之益人神智

石谿十景賦

有序

先君晚歲卜宅西郊得先刺史公石櫃舊莊歸從  
姑氏闢自荆叢始結茅其間粗延野趣久之風物  
閑美衆景呈佳乃次第經營儼成堂構顏曰榮木  
蓋有取于先靖節念老之深情焉於是輯溪山泉  
石之概次爲十景曰松屏排闥曰谿玉環流曰虹  
橋鎖碧曰石閣潛蛟曰樓臺紫岫曰谷口甘泉曰  
遠寺鐘聲曰平疇綠稼曰野漲乘舟曰鴻磐坐釣  
所以助廣吾廬者庶幾與肆情壺觴之意略同然



則十景固待傳於榮木非榮木之待十景而傳也  
其各景皆系有小詩之典嘗讀而思和之似覺意  
不能盡因作一賦以示兒輩俾知先人卜此非獨  
營菟裘之安而寄輞川之樂也

選勝西郊移家谷口谿名石櫃地接林香

宅後卽舊  
香林山

是柴桑之隴今開榮木之堂廛野交叅而各正山川

有待而傳芳審峰名之由高士宜郭處上之愛賓王

磐瀨松泉常因人顯覽吟眺聽莫任天荒是以輞川

之柴泝

音判

蘭柴至今留於圖畫溥陽之野情物象伊

昔盛有篇章情子華年蚤承斯志先君晚節實托高  
翔初艸堂就而欣詠六詩旣勝蹟羅而編題十景十  
景維何請泚枯穎則有若參霄茂樹駢矯虬鱗蔚似  
青山遙齊雲嶺四時之屏翠當扉一嶂之森標冠境  
謾匕在前晨夕相永遠羣木而立丹崖是衡門特磔  
柯之影則有若瑤流環繞映寫林巒霑畦潤溥藏壑  
舟安長皓青林之玉鏡好觀靜轉之文瀾幽生芳艸  
最慰考槃誠涵清而滌垢是能時邀浴鶴之翰則有  
若跨澗虹梁截波留碧岍柳平分漁舸半隔嘗當落



日而誦青龍之詩每有凭欄而玩白鷗之客我望衢  
車人窺山屐集簾肆而聽滄浪是令物色志和者得  
過橋頭而索迹則有若滌洞石閣傳是龍窩沙浮枕  
石洞翳藤蘿蛟有宮而尚疑蟠伏霧隱豹而不助鯨  
波久成坦履出入陵阿徑雲根而臯藥圃是令徘徊  
郊雨者談往事而占壁裏之梭則有若縹緲樓臺遙  
呈紫翠晚樹栖暉夕陽如醉朝邑望以鬱嵩喬暮谿  
迎而臨園賁西角雲生壁然配巋名嶽長開於眼前  
是宜華陽先隱眺對而坐層巒之巍置則有若日泉

函美谷口渟清鍾逾潭玉

邑有玉潭水最佳

馥並蓮莖曠雪莫

矜其色味中冷差適其重輕澤偏滋野德足醒醞醴  
給玄而乳泉斯賦是知淵涵不遠山谷者嘗結鄰於  
芳畹之蘅則有若二寺參差鐘聲互起曙度雲岑宵  
來燈几聽無待入於東林音自先傳夫栗里往也嚕  
吟伐塵盪累花梵激而林薄轉幽是知希鼓素琴尚  
賴齋鐘以清溪上之耳則有若井烟綠稼樹滿平疇  
千畦一碧延被林丘聽農父之歌擊壤看柳下之飲  
溪牛風物淳美里閉靜休不妨戶比封而人懷葛是



又何慕夫桃花源裏瑤艸十洲則有若新漲彌臯乘  
 舟野泛造入林青宛開湖鑑遙浦之鳧鷺咸來沼族  
 之鬢鱗弛檻鼓柁何馳浴霄何湛森浮槎而狎秋水  
 是嘗羨烟海茫也欲抗風流於仙監則有若閒坐漁  
 磯持竿學釣選席陰叢來隨羣少垂水記先人所臨  
 直鈎發童子之笑意不在魚忘機觀妙嘉嚴瀨而惜  
 淮陰是幸世得磻溪之年終未忍夫蘓門之歎嗚呼  
 凡茲景物擢自先君大山小水相質披文非我襟袖  
 莫共賞欣蓋首喬松者不改殿鴻磐者確潛良稼懷  
 新以致樂南山入抱而悠然詠碩人於在澗資蘭臭  
 於清泉疎鐘送籟縱睇浮船憑虹卧作雲烟之界信  
 驪珠畱婚映之淵是以愛吾廬園稱佳夕往有園名夕佳鄰  
 於市境自別天頗欲陋种居之画隱豈故擬王簿之  
 沃川惟是寄托林臯適得西谿之美以為發抒丘壑  
 當附寰宇而傳也夫

冠松岩詩稿卷之首與不

八





看雲賦

有序

晚歲居郊西谿漱石兒子端築小樓東偏憇予詠  
 晡時方暑退荷送餘香涼入襟來野延遐矚觀長  
 空埃絕林壑俱清俄當面雲生斑斕五色峰起  
 夕佳之氣離也若旦復之華結瑞呈奇豈無端而  
 作彩移情夢錦遂揆藻以成辭

維六幕之初涼倚雙楓之小閣山將夕而含佳霽忽  
 升乎碧落布彌空五色之華迴倒景虞泉之薄綺朶  
 英也金翹灼也峰不以西陸而絀奇映若為艸堂而



增焯其始也。晡靄潛營乍承暉以通朗其繼也。岩堯  
作勢遂排昧而當霄開天孫之錦軸掛漢陌之緡綃  
組豐隆之六轡騁屏翳之聯鑣蕊芙蓉兮麗萼葉瑪  
瑙兮裁瑤野馬遊絲早知匿影雕翬藻颺並擬遷喬  
爾乃寫山川象顛族吉國徵嘉穰年屯穀或龍矯而  
翔或鳳翥而矗或層樓叠閣上拂咫尺天或魯馬宋車  
先驅列服黃旗翠羽變莫盡夫陸離紀氏影纓候適  
昭夫紛郁斯時也吾仰窺閭闔絳捧龍旋儼橋山之  
神幄在鬱芒碭之氣霄狎心於是乎怵肅意與之爲  
無窮若乃欽翳澄輝霞標峻影縹緲現青城之山淡  
泔染南宮之景蒼狗遠避乎天衣文虹韜音於別境  
此則照燭之下必有福垣繫賢人所居而仙伯所領  
吾由以信仁表之應夫瑞儀願紫氣之逢於關嶺少  
馬霽收月吐一碧太清髣髴層漢賡咏有聲屏息聽  
之指遠辭弘其辭曰茫茫穹壤兮運以冥樞元氣浩  
蕩兮四時灌輸其變難知兮示象則符維茲序之清  
顯兮帝有勅夫師伯率從龍兮滅軫圍開慶雲而掃  
陳迹濯氛垢之爲沴兮昭帝鄉之潔白使虹蜺屏吐



金而家給兮慰山水之蕭索化錢刀之世界兮遊百  
物於景卿之陌已而似呼予名更申之以唱歎曰夫  
何結廬人境兮耽謾也之高吹既賦園列之停靄兮  
又坐視其起時若共盤鶴相爲忘機兮翛然意與之  
俱遲頽茲颺翠曳丹兮蓊鬱松壻采流文蔚兮干呂  
抱曦百寶闌生兮四照離也誰云卿且兮不在兩儀  
疇卓立物表兮足對之以霽抱而暘之以藻思姑引  
予而助子之怡悅誠未許苟爲贈持

鬪鷓鴣賦

有序

庚申春從凱師入都授食朱邱秦鍵初閒絃歌方  
務鞫鷹牽犬之習稍也遠馬迨勁風初動画角四  
聞於是講武伎於西園試爭雄於小鳥出鬪鷓鴣  
以爲戲樂 諸王曰聊一博先生之娛笑可乎予  
因得隅觀之排塲決勝儼然兩軍戰壘也夫凡物  
有知一握之禽養而習之其効謀勇可觀乃若是  
况其大者哉明日 諸王講罷而以鷓鴣索題咏  
因作小賦奏之



闢閣藏書閒猶說劍長林縱馬樂且調鸛畫角之催  
畋未集紅權之校搏姑先試鷓冠以小敵微羽部於  
伏踰選材掌上决勝帷間設重茵兮暖席迎插蕊之  
爛斑腕風塵於三沐抗高步而兼孱帶箭稜也威名  
最著黃翁正也氣象偏閒糜廩粒者徒垂頭以伏守  
籬薄者盡望壘而還爾乃鷓擊謀成狼睨怒向决兩  
陣之機合致苑之仗或施毒手中要乘虛或奮神槌  
批膺扼吭武安軍之酣戰屋瓦欲飛淝水上之濟師  
風聲共壯坐客倚壁而動容主人傳圖而寫狀六王  
宅裏未羨池鵝諸將懷中歡輸寶帑淳兮仁人有勇  
慝哉順輩何庸於是搏而後飼祿以酬功講武之徒  
氣勵乘軒之玩羞蒙感艱難兮百戰思閭閻兮方窮  
乃有梁園之賦客正成羽獵於桂叢談注金而笑鐵  
距之施偽歎伏囊而與木雞之養同且曰淳而致闔  
非迫人以危相其部伍特儒者之義師請餞以醴願  
長揖歸田使嬉者絕賽劍者皆犁遊天下於無爭之  
國以道德爲鍵而仁義爲俾斯言也雖不稱乎妍麗  
若南近夫古賦之風規因採錄之以爲斯篇之亂詞



插花帶箭黃着皆鷓名隹而善鬪。養鷓鷃常把洗貯以漿使煖。黃赤二順亦鷓名鷓之不鬪者

吊湘潭叢塚賦

有序

喪亂以來舉普天旣難之毒未有甚於湖南者也而湘潭膏刃尤酷先君子哀而賦之其傷實甚然而吊卹之音不至掩齒之令無聞悲夫白骨鱗付之道路焉耳何幸陳黃二客來自新安仁義同懷愴深委壑飯僧四出無瘠不檢於溝中荷鍤經年有殞音目必登之榼裏遂乃纍匕黃土夜臺儼庇千間翼匕周垣幽境俄專一苑免傷心於秦漢曲可弛哀寧要譽於鄉閭息非市義撫希青亭石惟



兩君允矣德並湘流誦祭骨坡文招羣魄聽之權  
生窀穸諸家序記總擬不刊愴叟感欽因拈作賦  
嗚呼壽嶽失職兮虔劉獨行湘川流鱣兮若渭斯頽  
連百里之道殪兮雜林木而拔骹殞音殘相望於溝塗  
兮集烏鳶以飛鳴或絕脰兮斷顛或折脅兮踣腕或  
饋餘兮一肢或拉殺兮燧髀或賭命兮棄若艸菅或  
焚岡兮胥成糜爛混良賤之殞不分酷身首之齒異  
畔燐青旭黯兮荒匕晝陰雨歎風腥兮悽匕花岍嘗  
人鬼之同途輒撻蓬而驚指顧豈凍餒之爲患莫擊  
策而問髑髏於斯時也遠憶聖王澤枯何厚空談月  
令掩骼誰修視封京觀之威兮有域比陳濤斜之暴  
爾無收乃有陳黃二君來從白岳憫慈一德注彼黃  
壚徧窮谷兮求無主之骨循廣阜兮置北邙之楡傭  
胼胝以輸勤若構千間兮幽屢歷冬春而集事欣成  
一曲兮歌虞魂音委餒之寃魂乍復祓清之湘色還愉  
賴收骸以絕哭聲息何讓罷非擁旄而作共塚澤且  
逾盧信仁人自在天壤雖里巷可補王謨嗟今瑣尾  
之纍匕兮有坐視其離析寧肯主是枯者歛而宅之



以幽廬蓋人情湛於私利兮自身與家外皆秦越之  
視瘠腴何二君之行義於異鄉也若是其倦也乎或  
曰冥報不爽兮多祉與俱然以吾視二君之用心良  
由惻隱而動亦何嘗逆計夫蛇雀之珠歟

登科夢賦

有序

自年二十壬午試棘闈既薦復落逾歲玉改用南  
渡里選終身絕意公車業早矣乃甲戌春夜忽夢  
入禮闈頒御題試詩賦策問各若干篇予倚席  
立就最先投卷而出出即全忘諸題恍惚越日報  
予登第第三人尋赴宴謁座主徧通同年輿蓋竟  
日周歷九衢宛然新貴意甚得也既而遇一人修  
偉丈夫殷勤道賀致告戒語不休大都謂吏道多  
端民不被澤得進士當思廉正卓出雜科毋負清



貴之途云爾生平枕上無此奇快亦無此曲折延  
長寤而筆之以與朋契話夜

迢七百艸芳時神遊快矣栩栩青槐國裏奪錦奇哉  
士聯鑣以競入門闢訪而弘開毫占霽彩棹趁風來  
挾金門之舊技登駿市之新臺韵百篇今頒制日五  
色兮程才萃嶽靈兮羣秀爛星漢兮昭回近帝座天  
香之案升文昌東壁之陝藻挾慶霄氣劇辭壘雲霞  
蔚夫指端珠玉生於字裏沛無禦乎流倒峽之源誠  
有神焉助雲襄之美於是篇成未曷賦奏當廷動宸  
顏之愉懌達薦告之芳馨干斗牛之上象辨虎鼠之  
分形紫寶下封於黃閣朱衣贊采於青冥爾乃姓字  
填金聲名畢電奔萬輩以爭看徧九衢而誇羨釋褐  
集英之墀簪花聞喜之宴披香霧兮看杏曲江席錦  
雲兮賜裯廊殿遂聯同譜欣列清途或待詔於金馬  
或視艸于玉除或專城南面或分佐尚書最耀鵷行  
之翼高飛跋浪之魚畢謝闕而過座主裁泥金以報  
家閭斯快寒窓之夙願比登仙籍爲不虛矣俄有丈  
夫揖予而賀且曰昔送子席頭之洲期有今日頗憶



及之乎予曰荒哉失記矣丈夫熟視予曰嘻驕已甚  
今子者固兩榜貴人也兩榜誠貴而所以貴者非區  
區之謂也坐吾爲子譚夫流品歷重儒科文章實有  
司命占世瑞而覩麟鳳之爲儀仰星英而識魁杓之  
是映繫重天人程兼文行是以富公名世人倫早鑒  
其非常孫抃登科春榜先成於未孟其徵祥臚唱也  
則五雲之異見其尊奉爲經也則千佛之名興惟澤  
物意深蘓策所以入等惟有司利賴元第所以宜登  
然則副甲科之盛望可不引前哲以相承耶若夫發  
跡南宮龍成豹蔚乘軒當路電掣霆驚銛才鋒而遊  
餘亦赫章采以振影纓陋鄒魯之不合時務狎筦庫  
之優臻治聲瞻企鸞輝者望羽儀而若失胥觀雅化  
者更絃瑟之絕情豈沐猴肯任夫人指思化虎將由  
於習成蓋耽私則罔計後樂得志則自變初盟子其  
賢也慎勿驕盈予聞其語中心忤也鷄聲破曙啼斷  
吐傾矍然而寤喜意猶縈旣乃惘若如邯鄲生嗟人  
間之大夢得失何憑卽夜頃之膺榮生平可槩予以  
爲邀晚遇於華胥亦何憾棄遺於當代獨彼夢中丈



夫憶其所言誠於讀書行義之有關而歎古大人君子之難再

冠松巘詩藁卷之一

廣陵吳園次

兩先生閱

嶺南陳元孝

楚長沙陶之典五徽父著

男 焮 煊 熾 輯

古體

述祖德二章

明崇禎壬午歲邑人公舉先大父請祀鄉賢三月蒙允置主入祠恭慶禮成有述



原件短缺

P2



肅七宮墻煌七筵几 我祖懋修趨臻闕里昭德於  
裡駿奔咸喜牲醴馨香冠蓋盈止霽起鳳山應茲肇  
祀衍食千秋翼我孫子

二

遠承令族厥惟長沙副勲以德俎豆斯遐罔忝妣續  
匪必爵華今茲右享由德不瑕兩楹芳躅結鄰何嘉  
勸懿歛祉允矣立家

懷舊德四章

之典下材碌七早邁亂離而憂患多故年三旬遂  
主北溟披塗出我丹黃敷何以報之淵客珠攀斷靈  
旂志莫輸悲心長向九疑紆

右爲華亭章公峩山先生賦也公初仕沔州崇禎  
壬午分闈得典卷亟賞既薦而落卒收之使備門  
下後開府督師  
盡瘁終永陽

四日我所懷兮在顧渚岵雲嘗向松門佇十載青箱  
隔機杼華裾寵我賦高軒何以報之瑟瑤琨莊荒樵  
落慙空言麻棠與衆歌遺恩

右爲長興沈公孟元先生賦也公宰寧鄉著聲循  
卓崇禎戊寅縣試童子特嚴慈命以難題初場於  
髻齒中得典文稱賞異甚連再覆皆然遂拔冠通  
場嗣典應有司諸試輒被知遇而肇仞於公云



掩關吟

壬午肄業祓園掩關謝客元旦後入關至省試乃  
之摹既以饒有讀書之樂哦誦之暇暘然有詩  
春風祓兮園林芳除一室兮奉心王百城坐御兮更  
奏笙簧瀾翻虛白兮錦繡張星辰羅列兮日月爲房  
賢聖聚息兮今古同堂六丁守護兮百寶光拏龍螭  
兮繫鳳皇翱翔青雲兮樂無央誰知予之扃戶兮牖  
八極而帷大荒

責猫辭

丙戌

猫兮猫兮蜡有迎良爲職捕專其命飈飈豈得與之  
爭頗聞昔人敦幣聘我懷茲意畜狸奴飼魚坐瓊豢  
爾軀相期捷若蒙頌兮匹彼雲圖胡爲鼠得志纍纍  
晝揚鬚侵我黍粒廩損我書画厨毋乃不職坐飽食  
孟吾亦嘗察爾之居伏焉若鷲勢鷹獵兮目席視何  
逍遙兮若遺反逡巡兮似悸壁間屢什方花前祥畫  
地徒狼卜焉而無禽蒐之事噫嘻吁何異重祠列鼎  
擁麾旄負德忘仇無所愧

悲章江

哀亡叔文愍  
公遇難虔州



湘山桂葉墜江湍吹入雙流十八灘湛身永絕洞庭  
瀾姜被冷阮歌殘  
鬼老天邊寄賀蘭虔州山名去時襟淚  
漬不滅傷心長夢鬱孤寒

潭江夕渡

丁亥初夏  
長沙新開

水新生市改殖城郭乍疑來別國沙犢空江舡至歸  
鳥相逢憐舊識夕愁何似岍雲多上繞昭潭下汨羅

乞印色

與友沂中翰代柬

玄都花落兮蝸蛸稠飄泊詩瓢兮結素鷗故人握丹  
兮紫泥滿丘寧不我念兮守白賁之悠々

哭母百日六章

嗚呼先安人中壽見捐費不稱德歿於今庚寅歲  
之五月十有二日值喪亂靡寧窮鄉乏詘負創之  
酷萬倍平時逃毀以來俄閱百日晨起設奠濡淚  
寫哀續次六章哀何有極

凶人不祥五月蒙感迷々九旬視息塊礫魂與母隨  
未或不覲在寢在堂劬勞歷々過省總帷乃驚杳寂  
乃悟時遷音徽日逝商吹露零淚雜血滴夜傍寒蠶  
哀沉四壁



二  
母昔相家遠大其樹自郊及垣自茨及堊贊我大人  
公車雲路我蔭於護悠々寒燠云胡亂生罔有安聚  
憂患滋來瘁心遲暮感々世間遂不樂住長筵板輿  
此生絕賦明星弔帷哭落高婺

三

育我諸子豈不成行鞠於成者維女之祥蘭芽兩發  
並卽下殤獨啣我哺劇心以將靡出靡入弗厯憂皇  
旣壯益慮如水火防早華巔髮用是損康有身莫贖  
身顧何償風來寢艸笥舂縫裳殘紆縷々寸斷兒腸

四

平分百年奪于中壽算衍何慳論疇不副顏無開時  
晷無繡晝喪亂之交多難抑又杯棬日衰刀圭日富  
百寶蕭條空張橘袖生無以歡沒復何就老人有星  
秋輝正茂開戶當之暝不欲覩

五

白雲飛矣未去鹿門羣雀集矣宛赴蓮軒母天何邈  
遐絕攀援簾前繡佛往日朝昏琅々經品沒席有痕



今茲樂國聖善之闡向西而踞悲望雲旛呼佛呼母  
還我慈恩

六

日月不居俄胸俄脰淡慘秋陰易卽於杳忍死殯廬  
逃憂悄々慈魄漸淹敢荒筮兆陟巘降原數伐叢篠  
心惑指車力慙華表母德宅安幽明同皎山川之靈  
宜蒙開曉願告昊天勅來青鳥

使君哭

邑使君權公諱持世字伯亮陝西三原人起家一  
榜康熙甲辰來任著廉惠聲甲南楚厥初積承凋  
敝又適值西山用兵輓運供億雜以他征蓋感々  
無生理矣公下車傷之泣下誓爲子遺請命於是  
條具十痛哭通告當途情愾而詞激或疑其觸諱  
於已未利弗碩也旣而竟感動一切減豁寧邀恤  
獨早民人羣聚而誦曰賴使君之哭吾儕乃生真  
父母哉因相傳以爲謠云

君不見鶉衣百結子追租縣門裏君不見轉粟上西  
山丁壯去田間

解

饗殮輟盡歛不輟紛々胥吏心如



錢崇臺大府邈在天溝中疾痛何由徹二幸哉天不

絕併蒙單車遠駕來權公解三公下車兮淚滿胸與胞

事在繪圖中哭開重霧回春風四昔時嗷澤今絃聲

昔時肉鼓今壤鳴公十哭兮民更生五

出門行已未初春

大江未擬渡偃仰南山隈少年萬里意絕若既死灰

不見河與嶽中心慙恨哉虛聲附處士乃辱旃影來

後車載之往直赴黃金臺曉霜練我鬢遲日遠我陝

翻飛戎旄裏蹀躞馬蹄催西望仙掌東望岨峽請

舊奮壯心欲開回頭見雲嶺頓轡復徘徊還鄉遽有

夢不是絕裾才

殯廬六哀詩

嗚呼癸亥正月先君長棄不孝體魄在殯風雨經

今春不孝苦塊殯旁痛依晨夕聲息所接有觸皆傷

日間一寫哀不禁沾血

妻晨

東林無暄匪葉是燕色不辨朝匪戶則閉宿雨檐端

雜滴哀憑啞也曙鳥但吐陰暄麻衣焚香寒雪在袂



流水桃花心傷饗鯀何以薦之哭采新笙山雲還生  
若不忍霽

獨夕

日之暝矣林色先藏歸鳥來聚或鳴或翔我有昏定  
今復何望星前孤立淚落萬行冥也聽視思則彌傷  
明月未上幽籟逃荒聲告靈几兒在其旁

竹下

高岡修竹手澤所遺自初種植日一再窺蔚然成行  
歎詠無時豈移廿載殞室在茲檀欒青玉神所留遲  
籜龍繞生實護素帷感此新碧恨無寧吹幽也賞歎  
儼在雲遠以闌以徑泣聞訓詞

修夜

立夜難昭雖春亦靡非無春風秋冬之氣去歲寒更  
嘗辨七味百有八旬兢也帶衣禱斗請身卒罹不諱  
兒實不誠豈當人慰展轉在苦滋來慨愾恠彼鷄聲  
三度弗旣

聞聲

幾也崇臺枕樓之角時聞哦聲落自高邈靈兮在天



非輟斯樂聲唳宛然背棄弗覺忽一悟之寸心如劓  
焯也青燈寒光溢幄安得重過提耳命學

遺文

立家之榮厥惟文府瞻念生平實增悲憫終天何遺  
書篋三五負荷所惠重於圭組陳列東西百城猶主  
春雲乍開請曝於午行墨琅也音徽逼覩仰思孫詒  
默計繩武立杲日中寧乾涕雨

招大兒

大兒歸來不甘兒罹此凶災半生修謹守中材方思  
捧檄娛南陔無端暴折腸寸摧欲問禍之由兮兒歸  
來

大兒歸來病母思兒病轉催朝啼暮啼不自哀十日  
未見飡飲裁欲委已命贖兒回何以慰之兮兒歸來  
大兒歸來出門諸弟訂期回夢中之兒健何猜寧知  
幾日隔泉臺鴿原痛結那能開靈莫孤遊兮兒歸來  
哀永逝哭繼室三章

哀永逝兮創復創荼毒有加兮重疊三喪苦廬朝夕  
兮去不我襄嗚呼兮創復創



哀永逝兮悲以吟  
辛苦佐家兮耕隱同心  
死不我待  
兮萬事銷沉  
嗚呼兮悲以吟  
哀永逝兮愁奈何  
蔭高護悴兮卒實  
風柯荒兮萊室  
兮累月不過  
嗚呼兮愁奈何

書所見

今年猫乳子三頭  
隻哺成引之遊  
暫時逸去腹毛  
下徬徨奔走呼  
相求嘶得厨中腥  
一片四望猶不肯  
嚙一子在旁躍  
入懷拊之以身  
不以面須臾三子  
集階闌歎然吐  
出口中饌吁嗟  
異類兮用心且  
然人間慈母兮  
息肯弗徧兒曹  
哭母淚未晞  
驅之莫令兒

曹見

密岡雨三章

過胡氏姊墓下  
阻不得省感賦

山雨蒼壟雲積  
徑晝昏黃蓮花  
別墅艸茫雨  
不開兮欲濟無  
梁咫尺與姊  
魂參商

山雨密漬入哀  
心不可櫛春山  
漠生慘慄雨  
轉深兮問不得  
悉何由知姊  
安立室

山雨注留秣田  
家待山窟三光  
益暗重泉路  
雨終宵兮夢姊  
來晤聲淚妻  
迷帶寒霧



青峰曲 琴辭

滇南有鄧君者任俠壯歲立武功爲千夫長有所  
感棄去嘗遨遊萬里工於琴畜古焦尾自隨遇佳  
山水雅人輒一再鼓頃來潭江樂湘麓之勝時坐  
江樓揮絃不倦予與二三同人數過之聽其音不  
拘古操以意自寫賞欣特擬湘瑟作青峰曲有其  
聲而無其辭屬予補作因倣坡公醉翁操應之用

副雅奏云

彈一曲峰青催落湘江鴻鳴誰能倚歌邀其聲入  
雲流響琤<sup>七</sup>參旣橫水碧更沙明不勝思怨兮感情  
數峰縹緲遙襯江城數峰隱後時有猿啼雀喚疑以  
之迴縈浦以之淒清蒼梧雲忽生魚龍紛來聽此曲  
幾人賡夜深江上泣娥英

苦無遺

送楊氏妹  
卽土哀詞

楊氏妹苦無遺苦恭苦孝還苦慈一生愁與歲追隨  
朝茶夕蓼苑爲期自今長寢酷方離霏<sup>七</sup>細雨送靈  
輻老淚啼乾盡此悲行兮勿復聽淒其

兩割屏辭

吳

爲其女弟鄒徵



羣生芸乚兮艸木漸腐誰知藝秩具自天兮與天俱  
古嗟末俗之偷薄兮助臯音而黜麟武勞旌門之典  
禮兮萬一勸夫胥鼓何行誼卓植於閨闈兮有若今  
延陵氏之懿矩少讀書於其兄案兮輒明禮義之出  
於鄒魯謂漸臺之子江上之娥斯不恧夫彤箴兮嘗  
披嬰曰傳而心取既玉案賓偕兮益彰淑德於文府  
移晨昏以事堂上兮若人臣之資於事父胡皇穹兮  
試艱召修文兮孤鸞羽桐半壁而誓不獨青兮顧姑  
與母兮日徬徨而泣雨恐如立孤兮和血爲丸頌然  
式穀兮烝嘗有主其尤異者起姑病之沉綿兮割臂  
肉而無苦久乃爲嫂氏窺見兮頓下拜而悲慟抑寧  
識雙癢照袖兮曩且療母割膚藏碧痕之縷乚吁嗟  
孝節兮書不勝書惟此兩割臂兮誠感皇天而動后  
土餘四十年與冰霜狎兮燃寸丹而寒飈卒莫能忤  
乃猶堅辭表樹兮若畏人之知蓋惟恐近名而反欺  
其心腑堂乚巾幌兮志士仁人之伍芳流青簡兮固  
千萬祀杲揭日而昭六字

山居圖歌 題雲間朱中翰畫



道人居一何幽雲木三層嵐氣浮參差有似華陽樓  
朱公擢秀加綢繆加綢繆飭青琅姑射翩翩蘭雪芳  
三山飛落九疑旁煙霞峰裏讀書堂來憇梧桐是鳳  
皇

冠松巘詩藁卷之二

廣陵吳園次

兩先生閱

嶺南陳元孝

楚長沙陶之典五嶽父著

男 焮 焮 焮 焮 焮

咏史

周師尚父呂望

商周興廢之際伯夷太公同歸西伯及武王立  
以太公爲師稱尚父時維鷹揚與左右同心開



周八百伯夷叔齊扣馬而諫左右欲兵之太公  
持不可且曰義人也扶去之當是時二子蓋不  
以知已望太公而太公欲使武王爲聖人也千  
載而下誦義人一語孰不感歎

鷹揚維其時義不屑銖銖扶持扣馬人亦用風雲掌  
孤臣揭日月聖德擴天壤功將在黃虞佐命非鹵莽  
戰國望諸君樂毅

樂毅奔趙趙與毅謀伐燕毅泣曰臣疇昔之事  
昭王猶今日之事大王也若復得罪在他國終  
身不敢謀趙之奴隸况子孫乎趙王乃止封毅  
於關津號望諸君初毅之爲燕將也一戰而克  
齊七十餘城會讒者至毅幾不自安昭王薨惠  
王立卒信齊反間使騎劫代之功未竟而主疑  
毅安能一日立於燕王之庭哉然趙雖厚遇毅  
毅始終不忘燕跡其行事倦也爲故國弭旼蓋  
亦奉仁義於功利之途者與

功臣一去國四隣相與輕誰知故國淚感激趙王情  
舉世重富貴烏得辭專城報趙兼報燕真能立功名



春申君黃歇

春申君歇事楚頃襄王以辯稱秦既攻楚奪地  
畱苑楚懷王將遂伐滅楚歇上書說秦昭王乃  
罷兵約爲與國用辯効矣及歇與太子完入質  
於秦畱之數年頃襄王病太子不得歸歇謀之  
秦應侯請言于王王令楚太子傅先往問疾返  
而後圖之歇知秦終不歸太子因主太子亡秦  
自以死當之於是太子出關歇獨守舍度太子  
已遠於秦昭王曰楚太子已歸去遠矣

歇當苑昭王大怒欲殺之應侯曰不如歸之以  
親楚秦因遣歸歇後太子完立是爲考烈王以  
歇爲相封春申君嗟乎戰國四公子者食客皆  
數千人得其苑力擅兵制勝諸侯憚之可謂豪  
矣朕按其行事雖聲威震世而盜符竊裘徒以  
濟其私非有忠勲於其君國也若歇者旣紓國  
禍又以身當強秦脫太子歸國不失爲國君歇  
之勲名豈不賢於三公子也哉南面春申不慝



戰國無常權下移至公子客亦聚豪門質子如棄耳  
封君非不親立威強自己庶幾一春申國事當以死  
秦長子扶蘇

嬴秦失道自商鞅峻法始刑名接踵其流至於  
燔詩書坑儒者長子扶蘇諫曰諸生皆誦法孔  
子奈何重法繩之始皇雖不能用蓋亦少感動  
焉非長子親而賢孰敢諫者嗚呼當秦之世士  
生其間被仁人一言亦若涸寒之得煦也已

麟沒二百年秦成帛狼運異哉麟趾生若爲孔子魯  
德音不入秦誰聞鐘鼓韻一諫感扶蘇千秋思上罷  
漢平原相史弼

鈞黨之詔使者四出羈國所奏連及數百惟平  
原相史弼獨無所上當時所仰恃者陳蕃竇武  
而已然展轉桓靈間禍卒不解而陳竇且遇害  
則凡入文網者其視平原一羈不啻幽明之分  
矣弼對從事之言曰風俗不同未可相比五羈  
自有平原自無若誣陷善良相苑而巳史稱申  
屠蟠明哲獨能超然評論之外而不知平原中



人保全者固無限也

白日起宮靈黃金購囚錄紛々祭臯陶處々張綱目  
平原獨無黨風日靜如穆造福苟有心何必秉鈞軸  
漢季曹軍祭酒郭嘉

曹公乘亂圖霸所深忌者劉先主耳其言曰天  
下英雄惟使君與孤顯然不容兩立也先主失  
徐州奔曹曹之謀士多以除劉贊夬危矣獨祭  
酒郭嘉曰公起義兵推誠信以招俊傑猶嫌其  
未也備有英雄才以竊歸我而審之則智士自

疑明公誰與定天下乎於是獲免使東屯沛後  
卒加兵大被窘崎嶇展轉至於荊州乃定蜀論  
者謂嘉爲此言特欲廣市恩信爲曹計遠略也  
雖然漢統不絕賴有三分自脫此危機而後昭  
烈漸立家國嘉之言亦不可謂無造於漢矣

名士不救漢風義散如雲寧知曹祭酒却爲劉解紛  
三分屬有天祚用圖使君笑他劉擘險無足空云々

魏克漢中司馬懿勸擦取成都擦曰人苦無足  
既得隴復望蜀劉擘曰劉備有度而遲乘蜀附  
日淺因以壓之無不克也



益州牧劉璋

璋襲立益州溫仁而弱遣迎先主以抗仇鄰其知彼已也明矣當其時先主規模已在西蜀徘徊既久勢不能復徇小節坐捐形勝以予他人乃進定成都遣人詣璋喻意時城中精兵尚三萬粟可支一年士且欲戰璋太息曰吾父子在州二十餘年無恩德加於百姓今戰攻三載血膏野艸則以璋故也何心安忍乎遂出降主禮待甚厚歸其財物佩將軍印綬如故田此觀之先主固不惜兼弱就功而璋實能自量慨然舉國授之其意亦以爲使國不守蒙辱異姓孰與歸宗祀於家之英雄也哉矧不忍鋒鏑驅民其言可誦璋雖失國蓋亦仁而善敗者歟

蜀人保一角用命爭小朝大師排山來螳臂猶吐囂嗣主不忍禍遜避心昭也瞻烏願得止宗國怨兼消曹魏山陽公夫人

曹氏逼廢伏后下暴室族滅伏氏立操女爲后益欲假之據宮闈以資劫奪及受禪求璽綬后



怒不與後至者數輩乃抵軒下涕泗橫流曰天  
不祚爾降山陽公夫人後山陽延世奉漢朔至  
近百年始盡而曹氏覆滅於司馬子孫無子遺  
禍之酷倍焉史家以曹氏嗣位之人覈其實僅  
二代爲帝享國經二十有一年耳不祚一言后  
之識優矣豈惟不與其父兄同逆也歟

濟篡稱外家椒房備指使豈知弗黨逆却爭傳國璽  
受命非自天天終不祚爾嵩呼天下從呪出家女子

傳國璽文云受命於天既壽永昌

### 晉司空張華

賈后凶悍乘闇主在上干預政事廢太后擅誅  
殺朝野騷然猶幸委政張華知所敬重華因其  
勢彌逢匡救罔所不至數年之間天下賴之帝  
忠憾其爲人而功在濟時蓋亦有足錄者焉

生才貴有爲珠玉賤衣食茂先當國華人望難苟塞  
沐日正鷄晨當塵展鸞翼真能補時艱有瑕不須匿

### 晉太尉王祥弟覽

後仕至大中大夫

王太尉祥事後母朱焉孝感雙魚羣雀之異世



所歎稱而其初朱待之甚虐幾酷死賴弟覽保  
護之得免嘗被楚撻覽輒涕泣抱持施醢覽得  
其意徑取酒飲朱遽起反之毋賜祥食覽必先  
嘗不得間而後止已竟感豫後祥位至三公壽  
八十有五臨薨以呂虔所贈刀授覽曰汝後必  
興足稱此刀覽後奕世果多賢才踵登台司迄  
數十世不衰覽實朱所生也孝友相成自凝多  
祉而天之報覽也且厚於祥誰謂冥也爽應哉  
魚雀來助養醢兒酒正紅兄危弟惴也相與泣皇穹

舍命得感豫奕世歡三公王家真孝友天特贊之溢

廷尉王舒子允之

後封番禺侯

王敦逆謀初發於温嶠得綢繆先事敦既病而  
向闕之謀益亟矣敦兄廷尉舒子允之方總角  
嘗在敦所適夜醉先卧敦與錢鳳密謀舉兵允  
之悉聞之恐敦意疑即於卧大吐衣面並汗鳳  
出敦果照視見允之卧吐中不復疑允之乃求  
歸省廷尉以謀白舒與導具啟帝備焉敦兵水  
陸七萬奄至一戰大敗逆難頓平由允之先發



其秘也夫江左佐命王氏實造東晉而導與敦  
乃有鸞梟之異嘗讀晉史竊歎茂弘和靜有餘  
而義制不足匡敦不素遂致滔天豈非任雅度  
之過耶允之童年沉智大義克昭上不孤國恩  
下得保宗祀仲父壯猷且賴是英賢矣

瑯琊盛江東子弟皆粲也寧馨非不才三窟貽敗亂  
允之幼何竒妙發逆敦叛爨吾保宗裡幸哉賴英幹  
侍中王坦之

桓溫赴關盛張兵衛坦之與謝安同迎候於新  
亭時流言溫欲施害王謝安遇之爨然坦之見  
溫頗失措致倒持手板人多稱安而譏坦之惟  
怯及簡文寢疾立昌明爲太子遺詔溫輔政依  
周公居揖事且申蜀先主不可輔卽自取之命  
坦之時爲侍中待詔入請易帝曰天下儻來之  
運卿何嫌而守之坦之曰天下宣元之天下陛  
下何得專乃改大司馬如諸葛武侯王丞相故  
事俾也握重不欲以柄授人當簡文孝武時強  
臣覲覲天子幼弱坦之與安盡忠輔衛卒安社



穆臨終與桓冲謝安書拳匕憂國言不及私可謂無忝矣人質稟固有堅脆要在盟心不瑕若

坦之者亦安可以其倉卒失志而遂少之也哉征西請鍾虞遺詔大倉皇懷祖父子間從容戢其狂

王言執如鼎邾異倒持忙深誠衛社稷王謝無低昂

坦之父述字懷祖爲揚州刺史嘗議止桓温請移洛陽鍾虞

前燕處士高詡將軍魯昌

永嘉之亂江左初建北塞控弦之雄方樂晉禍羣起略地寧復知有晉耶鮮卑慕容廆者具命

世才燕處士高詡將軍魯昌窺其有爲欲令尊

王用夏乃說廆遣使江東勸進晉以廆爲龍驤

將軍大單于由是自廆以下世修政刑崇尚經

術蔚然有華夏風嗣位既敗後趙遣使獻捷請

封不自稱號及得封王守藩禮不失亦可謂善

變矣廆自言曰吾本出高辛慕二儀之德敬三

前光之容故以慕容爲姓宜啟導之易爲力焉然

高魯置身事外用立談數言卽藉手移俗夫非

南此救時之賢者歟



南北雲擾深三光蔽如堵慕容獨仰之分茅奉王土  
此意誰爲開隱士暨軍主無人踵寧原善導憶高魯

前凉治中張淳

晉既東遷關隴殘裂凉州張氏保本州獨完累  
世相承遂奄有其地稱號曰凉祖孫父子翼戴  
帝室綱目嘗特書之張氏之世篤尚已乃若其

治中淳者啻通誠之命假道於成成主李雄陽  
許之使盜將覆諸峽中或以告淳面質雄曰寡  
君命使臣通覲建業以大國能成人之美故敢

出王塗也若謂凉州不忘舊主通使瑯琊以爲  
凉罪則請肆諸市朝宣示成法豈不顯乎雄大  
懇謝以天暑請畱淳曰臣承命雖火山湯海猶  
將赴之何暑之足憚乎雄乃具禮遣之卒致命  
自是歲使不絕其風槩如此嗚呼使命不辱雖  
中都夫國尚難其人區比西土乃得臣如是則  
豈非張氏之世忠有以風其下而得此讜節之  
人也哉

凉州篤舊節通誠冒烽壘慷慨張治中間關不避死



脫險出強鄰危逾濟弱水忠貞一介存讜言照前史

漢武帝時西國貢神香使者曰乘毛車以濟弱水于今十三年矣

後秦平襄公姚弋仲

姚本赤亭羗起扶風雄抱罕之間至弋仲英果

多智善撫納為戎夏所歸石氏遇之尤厚封平

襄公晉祖約奔勒弋仲曰約不忠於主而寵之

姦亂之萌耳勒乃誅約迨石虎廢弘自立弋仲

面責之曰奈何把臂受托而遂奪之乎虎憚其

強正莫難也梁犢反虎召弋仲討之疾馳至鄴

虎方遘疾弋仲入見盡言家國事戒憂苞菜語

畢遂披鎧騎馬去破平犢以歸處若平常第五

子襄為士民所愛敬請為嗣弋仲病篤謂襄曰

本以晉室大亂中原無主石氏待我厚故為之

盡力今滅矣我死汝必歸晉當竭節毋貳心也

其始終明大義如此史稱姚秦實有虞氏之裔

信哉出類猶有古同善之遺美焉

西陲戎運起偉望屬平襄事會磊落就行師亦堂

義先誅叛者忠不贊櫻攘破碎河山裏偏思奉一王



北魏侍郎高允

允侍景穆太子時與崔浩同撰國史浩見收太子力爲允解免旣得赦而允對帝乃吐實帝大怒仍不聽免景穆復懇祈之且曰天威嚴重允所言迷亂失次允終曰殿下以臣侍講日久哀臣乞命耳帝顧景穆曰直哉此亦人情所難而能臨死不移且告君以實貞臣也卒赦免迨後太武勅允作詔自浩以下百數十人皆戮五族允遲疑不卽奉旨進奏曰浩若別有釁非臣敢知如直以書觸忤罪不至此帝怒命介士執之景穆爲叩頭謝久之帝悟徐曰微此人當復有數千口死矣浩族滅餘止身死甚哉訖不自恤更冒威重以免若干命於濫刑抑何見義之明確也夫當南北離析俗變漸靡之時處死生避就較然不欺其志如允者以之風百世可矣伯恭不苟免翻因得主知昧死更執諍赭衣萬命弛前本未迷亂後乃真遲疑殊誼照北史天壤繼者誰梁孝子吉玢



完本卷之三十一  
三十一  
粉字彥霄父爲原鄉令坐事議辟粉時年十五  
乃擢登聞乞代武帝疑之意有主者敕廷尉取  
其款實尉爲盛陳獄具厲色問之云爾童孺必  
爲人所教姓名爲誰粉對曰諸弟盡藐惟囚景  
長明詔聽代何異登仙委骨泉壤此豈細故而  
受人教也尉復和顏誘之對更懇切具以奏聞  
帝釋之於是丹陽尹王志議舉純孝粉曰異哉  
王尹何量粉之薄也父辱子死斯道固然因父  
買名余獨何人忍覲面目爲力拒之嗚呼忠孝  
非立名之地而修名立行者猶寥寥焉吉子年  
十五而孝誠若是固純乎至性矣其拒王尹議  
舉以爲有覲面目則自待之厚尤爲不可及歟  
十五乞代父良由孺慕誠免親實樂死誘懾何容情  
緹縈幸而濟姑試豈得成旌門起衰俗至性無聲名  
北齊僕射元文遙

魏末縣令多用廝役士流耻爲之繇是吏治濁  
壞民生日感高氏起鄴中所任皆名賢元文遙  
懲魏弊特請革選密擇貴游子弟發敕用之齊



縣令始用士人而民牧煥然此萬世治民之本  
不能易也

目不辨五色鳥能授製錦鷄鸞漸不分魚龍亂其品  
翻然正羽儀羣喙欣食飲學道則愛人先聖籌之審  
隋高祖堅

江左稱禪如循故事食其祿者亦復安之不爲  
動色晉徐廣宋王琨僅一哭邛第未嘗出聲齊  
虞悰哭於朝幾不免蕭梁公謀卽真乃檻送二  
義人臣大節不復爲南北朝所求及陳許善心  
使隋笱之陳斌善心衰服痛哭東向坐三日隋  
主曰我平陳惟獲此人旣能懷舊君卽我之誠  
臣也隋文混一戎夏於三百年分王之後王者  
大度固當不同狀天壤風義亦因是而不絕矣  
百年屢廢興乾坤尚俊傑隋皇好誠臣獨許服衰經  
懸義天壤間廉耻不敢滅可知忌諱多人情終鬱結  
秘書監牛弘

江左失馭絃誦之盛反在北方魏末濁亂文物  
寢衰梁焚盡圖書迺乘白馬齊殺張雕儒益不



振文武之道存者十一耳隋文混一南北刊浮  
桀實牛弘上表曰典籍屢經喪亂率多散逸周  
氏聚書僅盈萬卷爲國之本莫此爲先隋主從  
之詔獻書一卷資縑一疋冢壁遺文乃有出者  
魏晉以來斯文之闕在是蓋亦非細故矣

南北尊韜幹藜輝久寂莫何以贊同文蘭臺中禮樂  
華夏收正聲斯文還六幕繇來鞞黼人用意圖書閣  
唐御史嚴思善

武后垂拱盛開告畚任酷吏撰羅織經千言唐  
貴戚大臣刺史郎將以下捕族不可勝數中外  
之人憚周興來俊臣等甚於狼虎幸而遇徐杜  
考驗者得不死朕不啻千百之十一也御史嚴  
思善公直敢言太后命按制獄引虛伏罪者八  
百五十餘人羅織之黨爲之不振仁人之利溥

哉

豹虎化日月虞羅盡羽翰戴盆祝徐杜萬一撥雲看  
廓氛剪林棘皇路無艱難千載望嚴公景星在臺端  
唐觀察使范傳正



李白晚過姑熟悅謝家青山將終焉及卒塋東麓而洒掃無人可悲也元和末觀察使范傳正至其地特祭白塚禁樵採訪其後裔惟二女孫在嫁爲民妻進止猶有範因泣曰先祖志在青山塋東麓非本意傳正卽爲改塋立二碑仍告二女欲爲改妻士族二女辭曰孤窮失身命也不願更嫁傳正歎美復其夫徭盛德哉嘗讀李北海陳拾遺傳遇人不淑輒掩卷痛憤范觀察於太白身後數十年門戶殄沒之日奉爲修正墳墓加惠女孫使一代才人長有青山之域其澤被下泉功施同氣者千載下人不興起感誦者哉

荒也東麓塚鬱也謫仙魂勞也田舍婦宛也翰林孫輶車展弔問苑生咸被恩青山如得贖誼共令公存

白坐承王璘事繫獄郭令公請以已官贖其罪

御史李畬母

畬母不知何氏有卓識畬爲監察御史得廩米母量之三斛而羸問於史曰御史米不槩也又



問車傭有幾曰御史傭不償也母怒勅歸其贏米償其傭因切責畚畚乃令倉官自言狀於是諸御史聞之有慙色夫國家經制出納之數析至微塵者凡以防盜民爲貪其累至於千百皆微塵之積也故苞苴不戢取盡鎔鍊殫民之生豈非濫觴於涓滴哉古名臣良吏多成於母教而其教恒在服御飲食之間此坐機反斂之所以稱也畚母之賢庶乎近古矣

粟米與償傭其事誠若細賢母惡近貪涓滴皆有制

民欣御史慙清風絕陋弊後代銜甌空遙呼畚母涕  
新羅國人張保舉

新羅國人有鄭年張保舉者皆善戰年呼保舉爲兄舉以齒年以藝頗不相下二人皆自其國來爲將校後保舉歸國爲青海使年客久一日謝其戍主欲東歸依保舉主曰若與保舉負母取死年不以爲然遂去至則國亂保舉一見卽分兵五千與之年將兵至國立誅反者立王以報保舉王遂召保舉爲相而以年守青海史稱



保臯之賢有古大將風不可謂海邦無人亮哉  
中原失功名撫髀傷今昨翻然歸故人豪傑意終廓  
握手分雄軍功成義照焯遠不媿藺廉近且方李郭  
後虛傳官敬新磨

莊宗得志而驕遂嬉淫自放與宮人傳粉黛爲  
戲悅所嬖劉夫人優名之李天下主亦自呼優  
人敬新磨遽前批其頰主失色新磨徐曰理天  
下者一人而已更誰呼耶主悅厚賜之嘗畋中  
牟蹂民稼令諫曰爲民父母奈何毀其所食轉

死溝壑乎主怒叱將殺之新磨前追擒至馬前  
數之曰汝豈不知主上好獵何縱民耕種妨馳  
驅耶請行刑主笑而釋之其後聚歛興役百姓  
怨愁未聞有臣工進讜言匡弼者獨郭崇韜一  
申懇諫旋即讒死於是近臣離心乘隙爲亂兵  
衛皆不前唐主竟傷矢而殂悲夫莊宗以百戰  
定燕滅朱梁負三矢告廟何其英武也而乃身  
死數十伶人之手覆樂器以焚其骸與絲竹同  
燼傳曰以此始亦以此終蓋深尤莊宗之溺於



知音而優伶之不可以左右畜也雖然使當傳  
粉黛踐田稼時朝之臣盡如新磨納忠時有補  
救安知其主不完晚節以有道終而諸伶亦豈  
盡樂禍亂之人耶彼新磨者非優伶也耶

伎樂當機務伶工列近臣何期有蓋者請諫軼其倫  
數功邴數罪批頰不批鱗孤將鞞鐸弄敬不是優人

### 明宗

莊宗以英武開國嘗自矜云吾於十指上得天  
下故其後禽色耽荒徵歛無度天下苦之賴明  
宗繼御寬厚愛人一蠲弊累初卽位卽罷減宮  
人縱放鷹隼廢內藏庫禁諸侯四節貢奉母得  
科歛百姓刺史以下毋輒有所獻廓然有澄清  
之象數問宰執以百姓疾苦聞穀帛賤民無疾  
癘則欣然曰當與卿等作好事以報上天後乃  
屢歲豐稔兵革粗息生民賴焉五代之君明宗  
獨爲長世蓋當時臨御之最賢者矣

十指得天下搏民不覺傷天意啟明宗維新造小康  
帑弛貢獻絕扶創登於床報天作好事五季真宜王



後漢李夫人

自梁至漢繼五十餘年凡四易姓而漢祚尤短  
其時君臣苟且民庶糜爛蓋有不暇顧者焉漢  
主初還晉陽卽議索民財以賞將士誰則恤之  
獨夫人李氏諫曰陛下因河東以創大業未有  
惠澤及民而先奪其生七之資非新天子所以  
救民之意也請悉出宮中所有以勞軍雖復不  
厚人無怨言帝從之於是中外大悅後漢開國  
無他功德可紀獨從李夫人一諫首揭於書則  
在五季時宮掖之賢如李夫人者誠坤德之表  
表者矣

開漢酬庸亟軍腴民正枯賴遇李夫人昌言贊來蘇  
宮財勞將士幸免饗殮輸新恩關國紀遠哉夫人謨  
吳越武肅王錢鏐

唐乾符間武肅起鄉里討平羣盜建節樹功俄  
拜鎮東節度盡有浙東西之地未幾進越王入  
梁封爲吳越王誠一時之雄也然當初鎮杭州  
卽留心民衛築七十里城開藩後恭儉養民孜



收單惠築捍海石塘架強弩射歛潮勢塘竟成  
畜洩有法民不憂旱潦因與吳通好休兵息民  
者二十餘年梁亡晉立有國如初益勤民事設  
警枕夜嘗不寐下士尊賢惟日不足而尤以薄  
賦清苞苴爲要大國愧焉晚且去其私辨遺命  
元瓘改國儀遵中國年朔弘佐承之幼歲恭謹  
給復嘗數年至椒益大蠲逋歲著爲令墾荒者  
勿徵租或請清民所隱丁以增賦杖之國門曰  
毋斃我先德也詒訓之善如此蘇公作表忠觀  
碑稱其三世四王始終不失臣節民至老死不  
識甲兵其有功德於民甚厚酬德勸忠祀不可  
以不飭嗚呼豈獨當時人宜尸祝之也哉

武肅能用仁功德漑鄉里強弩嘗射潮不樂向人指  
兵革化弦歌枌榆被金紫爲政稟王謨弗墜賢王祀

錢王得封里中山川林木皆被錦綺

南唐國主李昇

勅爲徐溫養子名知誥後復李姓更  
各昇

五代篡禍相尋十國分據生齒眠食湯火中獨  
金陵拊戢號爲備安則由李氏保聚休養之功



爲多跡其行政節儉寬仁崇儒勵德蠲復租徭  
之事至於再三與吳越連和兵不接動且厚恤  
鄰災聽吳越民就食境內賑給安集之尤他國  
所弗及當其時人望江淮別一覆載讀昇元前  
後兩詔憐恤務宣惠除苛亟求廉吏居然古賢  
王風軌焉雖其後嗣降號臣周國已孱削猶蠲  
賦自役以裕民力境內賴以阜安者十有餘年  
訖國亡而兵不血刃有以哉史家論其始終之  
際特寓褒嘉其亦謂後代宅中之風義薄而致

美於偏伯者以示激厲也乎

金陵善哉禍生氣彌江暝六合虐劉日江淮別一天  
貴德賤金玉文治竟雍然斗燦數千里瀾安五十年  
楚王馬殷

楚南磽确素鮮葢歲五季時失一王之庇奉竊  
據者爲君舉疆域中供億百需皆取給於湖山  
數州之地勢不可以歲月支而馬氏初年竟以  
富強雄於列國父子攘地且五十有六載此何  
道歟則由霸圖之有謀甚寬厚而樂善也自擊



平羣盜盡有湖南乃務農勵兵修茶鐵利課民  
蠶桑令輸挽者以帛代鈔徵歛有制由是機杼  
大盛國以充盈雖局促一方民安幹止未嘗哀  
嗷鴻澤也夫以搶攘之時撫窮乏之地懷保教  
廸爲之盡心卒能變茶爲薺起瘡爲膚所謂撫  
我則后矣然則承平受牧一少加之意而湖山  
州里誰非歌咏化日者歟

霸圖撫熊湘經營比家事教民殖其生不浚生民利  
千里奉師中猶勤父母庇湖山至今竊尚論發長喟

馮工殷字霸圖

### 周世宗榮

世宗習知當時民生困感雖躬冒矢石開拓疆  
宇而戢軍最嚴其言曰兵務精不務多奈何浚  
民膏血養此無用之物嘗刻農夫蠶婦置之殿  
廷慨然行王者之政初南唐節度劉仁瞻守壽  
春不屈以忠正旌其軍及入貢推誠盡信教令  
修脩尤後世英主之所難

兵深害不消齒繁命亦賤幸哉遇興周黔首登於殿



堯叅靜不驕生開薦藜面懷抱天下人自令歸徃徧  
後周平章魏仁溥

五季之君果於誅殺率以法術繩人若同世宗  
在其時實稱賢主而天性嚴急羣臣職事小有  
不舉徃也置之極刑其用重法等耳宰相魏仁  
溥彌縫其間凡近職有忤旨者多引罪歸已以  
救之所全活七八當時人誦之按仁溥起家刀  
筆吏本以律事主者及被知遇柄政而善回主  
威有救時造命之功德不忝爲宰相非惟人蒙

其福彼所以致鼎台享富貴者蓋亦蘊崇於仁  
厚之澤焉嗚呼刀筆中固自有君子哉

英主急功能紛也被丹筆遭逢讀律人翻然贊欽恤  
非無韓商才厚敦元愷質誰云文法家莫覩羽儀吉  
宋仁宗曹后

宋世多賢后而曹尤稱遠識初事仁宗諫止元  
夕張燈其夕果有衛卒作亂后遣調宦侍計滅  
賊炬賊皆就擒定變從容饒有籌畧宮庭奉母  
儀者三世至神宗朝稱太皇太后諸大政猶關



白之嘗論燕薊不可取安石不可任識議尤卓  
云至聞蘓軾得罪下獄乃謂帝曰嘗憶仁宗以  
制科得軾兄弟喜曰吾爲子孫得兩宰相今聞  
軾以作詩繫獄得非仇人中傷之乎据至於詩  
其過微矣當熟察之其保護才賢且若是宜慶  
曆熙寧之間司馬文富韓范諸大君子輻輳而  
興於其時也哉

仁朝詒厚澤慈聖贊中闡明齊萬里見累葉瞻堯扉  
馬鄧誠不及蘓王辨最微當時連茹盛第一被春暉

司馬光稱曹太后馬鄧所不及

### 金旁一校

洪皓充大金通問使金人執之迺使仕劉豫洪  
不從願就鼎鑊粘沒喝奴將殺之旁一校曰此  
真忠臣也爲跪請得畱通冷山嘗歎宋齊稱禪  
之際謝晦責徐廣不宜流涕褚淵教道成攻袁  
粲兩人皆舊君貴臣反顏害正遂至於此此一  
校何如人乃能出斯讜論卒保忠義不殺士大  
夫媿棧皂中人者豈少哉姓名不傳倍深歎想



漢臣昔嚙雪天意遣生還誰知冷山使不殺繇行間  
地處人望外情無肺腑關旁觀自有心千秋義解顏  
元右丞耶律楚材

元主中夏開國百年繇用意寬厚朕啟沃之功  
獨賴楚材苦心故能大破畛域濟世阜康至累  
朝不衰其佐治根本則先條上便宜定赦令求  
孔子後召儒臣直釋九經不務陋近漸次請禁  
令戢州罷貪暴捕勢家子爲盜者立具獄棄市  
以安燕民陳列中原金帛粟米供給諸稅之數  
使別迭等不能議漢人無補於國選稅課長貳  
悉用士人奏免徙山後萬戶充採金銀役夫上  
欲屠汴京以他辭妙解全活百四十七萬人除  
居停逃俘滅家連坐之禁定賦稅頒賜親王令  
勿擅科徵尼歡奏簡天下美女尼之不行拔儒  
人被俘爲奴者就試主匪弗遣坐死諸如此類  
不可勝書大約關民生休戚者必奏請請必得  
行而後已及帝崩乃馬真氏皇后稱制崇信姦  
回尤面折廷爭言人所難言卒致憲章不紊夫



應運之才天不偶生然事君行志委曲致太平  
如是者異代之下有不涕零也

英雄起塞外蟻視六合人從龍大君子胞與無偏親  
深維函夏事密起納溝民功德開百年造物贊其仁  
行省董士選

虞集伯生善文辭初與元明善復初深相得後  
以治經論文互有詆駁至京師乃遂不相下友  
人董士選自中臺行省江浙二人俱送都門士  
選曰伯生以教導爲職當早還復初宜更送我

于是集還明善送至二十里外士選乃下馬入  
邸舍舉酒屬明善曰士選無補國家惟求得佳  
士爲國家用如復初與伯生他日必光顯然恐  
不免爲人間構今爲我飲此酒切勿如是明善  
受卮酒跪而釀之起立言曰誠如命不待他日  
今已隙開矣請再受二卮明善不敢忘也乃再  
拜而別後真人吳全節求明善文旣成明善謂  
全節曰伯生見吾文必自譏彈成季爲我治具  
招伯生來觀之集至讀其文曰卿能從集言去



冠松岩詩和卷之二  
百餘字可乎明善卽降心懽顏泚華屬集凡刪  
百餘字而文益工明善大悅遂歡好如初賢哉  
行省用此可以福世豈第全交誼於文辭議論  
之末也歟

良朋董行省卮酒解虞元復初本君子一酌撤中樊  
旣通同人志益歡文字論吾徒誠善世此是太和原

冠松巖詩藁卷之三

廣陵吳園次

兩先生閱

嶺南陳元孝

楚長沙陶之典五徽父著

男煇 煇 煇 煇

五言古

南天門獨眺

衡嶽

巖業忽自平心目一爲抗帝座殊未遙脚踏碧落上  
班荆待同遊且與雲揖讓雲起乍平門林巒失背向



飛斷萬松濤自成千頃浪髮髯見海蜃樓閣幻奇狀  
數日遲嶽雲對此一玄暘

望雨

丙戌秋

炎氣驕不斂夏雲占至秋飛塵塵胃臆莫滌草野憂  
徒倚林樹間枯陰難庇丘涼颼暫一至萬慮蒿雙眸  
楚難日以棘天怒殊未休土龍愛涓滴騶虞憫踐蹂  
藜藿且不蔭何以供貔貅仰首顙卑聽鑒茲良農疇  
莫但高嵎雪空焉沉滄洲河漢本在天靜夜橫長流  
風雷倘不秘桑榆尚及收一片頭上雲瀾合何時刷

願一起蛟龍爲霖徧九州

哭我山中丞章老師

天地不受扶風靈氣愈軼慘七衡雲飛一戰英雄畢  
嗟哉湖南軍羣公各專鑽公獨駐危疆驄馬勞如驛  
孤投一寸心只與羅江密柳盡漏益多張空搏血穿  
熊七壘滿山紛七鼠闖室潰川不可防挽海終無術  
徘徊渡江行殘部無夫律辛苦等芒鞋恐死圖再出  
八月戰芝城鞭雲太咤叱天意殊未回邊寢兩楹疾  
夜象隕光芒秋風寒厥篲去歲錄報仇公以表家恤



公伯兄大令公講今年死國詩仗心還自述公題寧

簡先殉節於家卿驛驛

有仗心終伯仲伊呂間臣誼千秋匹如何感夢魂先

屬知已筆大令公函問未到之前先君功臣與忠鬼

夙夜知無逸屢通書問輒自叙成則盡瘁疆場中庶

幾臣心一巖七鳥府門四字炳如日嘗大書四字榜

節羅水滌汪洋巖山盤萃律山水楚高深長令歌思

采蘭詩

春半獨往東鶩采蘭雨中次日逢霽 大人復借

三弟采於臯岫兩山所移遂成芳圃因命題作詩

晝牕坐芬靄啼鳥窺簷楣時聞妙香發寫我湘澧思

村臯一緩步羣卉爭紛披移情不在目遠與蘭谷期

心知東鶩下巖壑多幽姿往不渝風雨相探尋委蛇

窮幽入蘭族心目生歡悵立圃無盡玉紫雲時有芝

開雲種玉處芳根連彙移携持出巖阿恰與風日宜

歸來三徑中已若九畹滋分曹香霧窟萃美白雲陞

柔情淡俗內公子慰睽離桃李非無色庭階長自怡

山居偶簡高彙旃老師濂溪講堂拈示諸子四



詩敬賦

鴻濛無鑿心元氣虧其罅至人關百季吾道憂久假  
絕學當頽波三楚風斯下夫子振濂溪狂瀾歸蓄瀉  
漚盡湖嶽竒玄圃光相射玉尺量羣材煌煌列尊竿  
羣材競吐英夫子攬元化義利頻唱之堂室無假借  
布席分堂此事在同堂此理看獨舍微哉真樂吟遠  
會房會並堯夫駕詩書入辟間誰奏曲終雅拜手吾師言不  
在聲聞籍帛勉端蓬蒿心燈未敢夜綠草與光風長

對義農夏

附舟至麻溪

歸客上扁舟曉發濱江滸雙槳遠烟闌江氣豁天宇  
迴聽北埕鐘隨風落遙浦沿巘鋪蒼雲明鏡流青藪  
曲遂入溪阿山深面墻堵水逼無峯陰霧近多細雨  
長漢瀉懷間雙辟開雲戶沙盡石巉巖疏鑿勞神斧  
浮江滿鷗鳧踞岼橫豺虎十里九下灘飛雪奔霆鼓  
長年習險浪退潮不用弩羣葉紛如翰百里日未午  
運舟犯濤來濤聲怒相拒輾側侮波間衆力疲寸武  
篙師不瞬目舟中皆慄股半日洒濯心翻使生危懼



日晏維柳陰麻溪指前塢登巖緩步行思深輸挽苦  
吁嗟長沙民萬石無停櫓陰飈灑瀕情夕懷遠朝昨  
投宿桑麻村悠然見太古

洞庭守雪

十年湖夢隔忽向湖中艤洞庭雪耶非峨眉幻爲水  
水落雲勢張沙翻空氣委一夜湖雪平寒光無起止  
茫七十二螺凝被同雲徒吹我高寒心浩入湖波瀾  
夜色一氣中舟呼素烟裏獨寤洞庭瀾孤懷向元始

甲午春解事後賦別子昭還羅江

春風祓蘭畹還我湘路清相携出風雨洗發鶯花情  
斗酒橘洲上引滿酌君行白日照楚澤陰雲回景卿  
遙覺楓林外湖光亦媚生割據青芳艸要自成楚儉  
歸搜舊硯鉄銷作漁竿橫不然南山下驅犢借饁耕  
食力還痛飲尚友先淵明庶幾澹荒老畢意爲戲嬰  
由他八百頃自作雷霆轟古樂在壁間陶寫存其聲  
遼海多竒書勗哉事滄瀛

送署隄張心水先生守芝城

峒嘯一旦霽矯七停祥鸞哀鴻瞻黃廡始覺湘路寬



春風坐無事  
暮月勝人殘  
昭回十二宿  
玉衡明斗端  
慈暉照幽  
晷下車傷  
握蘭毅然保  
故舊意氣成  
恩瀾放鶴且  
存子顧盼  
生短翰客無  
報恩珠但下  
淚盈盤彤輪  
卽真去麓樹  
枝寒平時虞  
絃譜今上瑄  
巖看銘石意  
飛動珥筆瞻  
層巒

投劉覺岍監司

鳳麟不忘世  
瞿來噉趾介  
然覲德輝  
心目空棘枳  
羽儀在青冥  
長歎隔秋水  
如何吹春風  
洒濯到蓬纍  
再拜紫氣下  
聲光靜衣履  
引我窺河源  
湖波不敢擬  
數日乃授書  
嶽雲來覆被  
無隱吹桂花  
不言樹桃李  
額間明月珠  
豈獨待窮子  
艱難吾道時  
德器關千祀  
天地不終荒  
鳳麟已如此

酬姚嶺昂七夕識別次韵

巳亥秋與瀘水姚子嶺昂螺山彭子天放邂逅劉使君官署把手一啜輒酌酒  
質心事至夜分不能去由是分燈對榻有如雞宮蓋廿年來湘  
晷之希邁也嶺昂讀破萬卷  
翛然皂帽子願執鞭嶺昂亦  
寢目屬予不相塵溷擬七夕分題酬唱盡意俄報



予喪子趣還黯然如佳夢遽散越二日嶺昂抵予  
書致惜別詩風義炤顏久乃支愁報章潦倒無狀  
然纏綿肺腑之情風雨益深矣

皇穹屢試艱歲月無欣適偶披瑤華襲秋聲遽相責  
殤杏悲無端紉芳夢虛獲抑塞湘絃音低迴星漢客  
手挾天章來與我於枕藉十日步庭階獨把君素策  
浩蕩丈夫胸有淚不敢積高指麓江雲因風大叫噴  
悠々闐闐人鳥足紆愁劇

星沙述懷呈別舊同學王涓來太史

念載睇層雲天孫據瑤席依攀日月光邈與蓬垣隔  
璠林領春風爛熳千桃碧六合推門庭漢韋聲峻赫  
何期觀德輝折節過疇昔授書黃鵠磯三歎升沉迹  
秋來開嶽雲湘山振蕭索艸堂氣色增龍門登陟易  
悲心收頽瀾與物遊醇醪賞奇道路間絲竹兼圖畫  
吁嗟蓬山人非苟佩蒼藜春情不在星符命不在冊  
請看光霽曾朗如天漢白腐孺分沉淪世棄復何益  
再拜珥筆隨承事文章伯

饑鳥變



庚戌殘臍積雪彌旬偶過山莊驢背失逕一望妻  
逃寒鳥俛<sup>匕</sup>隨人弱者不克振輒僵良者守禮止  
田間黠而鷲者廼并力搏弱殺而食之或徑投村  
園中喙牛背血自療嗟乎異哉此豈羽族之恒性  
耶予旣悲窮鳥之遭時而又惡夫貪自養者之忘  
其殘忍也如此爲賦一詩紀其變云

十載水霰稀一雪成窟城驢背出如垆陵谷不可測  
朔風試艱難意若絕飛植化備萬鍛羽有樹不得息  
修翎耻營<sup>匕</sup>了不爲寒逼厥醜乃滅常弱肉以爲食

曩時畏繳同翻然截羣翼饑鳥尤忍殘活喙牛背亟  
平生罕見聞歎息水簷側時有褰帷人魚鳥欣覲德

適撫軍節鉞  
巡行過其地幾日條風回同雲豈終極

送劉止臣業師旋里

少抱濟南書衰近非所屑浮湘見鳳山雲起如繡纈  
張出朱絃音雕章驚匠哲春風啓絳紗處<sup>匕</sup>虎皮撒  
揣摹楊董間徘徊漢廷闕出入四十年笥中虹宛結  
入洒康成鄉出擁河汾傑晚憂韶濩孤鐘鏞聲弗絕  
車馬來江干毳閣榻高設前歲游海南鳴珂立深雪



回首思衡湘栖遲莫轍茅齋一寸陰更發青藜  
善誘二三子矩漸中旋折季弟與幼兒亦使北  
面列白首柴桑交支酒歡素節平生學古心貧  
賤守師說天寒木落時風義耿不滅歸策動晨  
熹酌酒澆研鐵高歌送師行雲篇獻怡悅申公  
德方新伏生才未竭元氣涵千春種桃勝瓜瓞  
重論開闢前杖履從師挈述懷贈農部胡存人  
世兄

梗楠不偶生珪璋一何特繇來負荷人自翦青  
雲翼鼎水古義陵湖光灑相卽當時韋杜間後  
先毓名德弘農旣謝時五峰盛攀陟開代領羣  
英殷勤葺聖域海寓袖中香至今耿不熄我昔  
授經初侍公仙舟側獎掖過諸阮謂且受陶埴  
落身厄焚芝遂遠珊瑚戛繼起當屬誰吾道關  
什殖次第接瓊柯後者威儀逼高乘日下車重  
發龍門色鷗才挾鸞藻天成鉅器識古道竟照  
人時英不取則鬱比西州思升堂收歎息將千  
尺大雲將芟九畹棘豈非繫千秋昇之家與國  
請看許身初已欲齊高稷

讀是菴南中星野考



端州昔學勝嶺海回顏曛手抉天章者近從銀漢分  
許身列宿間持斧修其文蚩尤亦何高萬里蒙餘氛  
孤光獨迤雨心日炤涓瀆中夜耿不寐屢測南天雲  
陳圖發竒賞天官陋舊聞規模古山川畛域非足云  
煉筆如煉石綜辨良殷勤讀之山窓下燦若開星雲  
歎息古編簡多少傷秦焚宣夜徒謬談玉衡鏡繽紛  
北旋至鄂渚呈贈蔣慎齋督學 辛酉八月

萬象日趨新蓄洩恃元氣整齊風會人披瀾靜其沸  
日月懸眷端景星在宵胃當時青鎖書照若金簡彙

鼎山學有歸公琰器誠貴楚籟漸不競有材疑所謂  
公來起代衰皇心此未幾張出壁中琴洗發焚後卉  
魚角奮漢廣嶽鳳趨羅尉洞庭雲夢間始覺聲氣懈  
文河徧爲雨飲者非沾漑珥筆西園中瞻輝若列緯  
歸泊黃鵠磯風雲正靉靄濂溪舊講堂秋風生我愜  
錫山夫子息人樹今髣髴齋心立龍門文德恩被衣

邵陵劉澹山聞修岳麓志寄新詩并前代名作  
簡予志成擬報之會漢陽王子孟毅來客麓  
山寺特製三十詠見貽因用韵述懷奉酬兼





原件短缺

P11-P12



寄澹山

柴桑嬾惰夫紙筆本不嗜自守先子丘抱書壘上睡  
坐卧奉白雲夢絕津亭吏高霞翰久停晴川魚弗至  
朝華與夕英冥冥結愁思平原忽枉徵授簡輯山志  
是時公闡幽先人被袞字感激謁府庭因請辭志事  
謬疑讀父書堅使構詮次皓首披褐衣強顏受朝食  
圖經出燼餘据之得三四題帛告四方酈郭迥無意  
皇天泱泱心麓雲引孤吹邵陵有孝標欣然獨傾筥  
大補岳麓詩且辨道林異自此閱冬春道路笑瘠瘁  
遭逢妮仲子風義邈無前忘年具別鑒所與必豪賢  
讀書在道路竒文落飛泉役使羣景物流通舊源淵  
平生海嶽氣鬱爲朋友緣引之日臻勝遺及皆瑤璿  
幾年契神理明月妙高篇何當扶疾病鴿急尤拳拳  
歸來述盛誼感涕情萬千冷天北窗下響自生無絃  
比歲益種秫策情知勉旃無非君子德白首翹雲天  
袁堯文讀合江亭昌黎碑次韻和其詩荷書筥  
頭惠教亦次原韻荅之  
衡雲昔未開清絕意相左文公惠然來約絕湘江唾



詞流青壁間，曷也傳賢佐。至今江亭詩，字比雙南貨。  
我友袁先生，懷古時一過。謁碑生性情，老氣不肯挫。  
洒滌天漢章，唱雪遙相和。迴首衡山雲，雲中鴻个也。  
吁嗟翹鳳儔，連彙得困坷。逝傍清湘濱，振衣結高臥。  
江千來旌騶，踏斷幽居課。感激對王弘，痛飲誠無那。  
蚩也羣物情，不忍見其懦。藉手條便宜，馬周惠且播。  
常時憶桑輿，詠亦切寒餓。古人須志行，不以榮祿賀。  
但上有臯夔化，日從偷惰術。業不裨時名，位空驚座。  
和詩江亭中，聲入江雲破。千載昌黎神，一朝洗塵澆。

羅江蔣母節孝詩

造物嗇華賞，試艱良有心。積寒破爲旭，天日無終陰。  
不觀定勝後，何以知其深。疇昔蔣孝廉，拔俗爲森也。  
霜途畢臣節，不得頤溫衾。同時二三子，賒死慙斷金。  
巾幘厚自樹，屹然當荷任。艱難黃口哺，拮据白華吟。  
如何遭喪亂，百罹橫相尋。兢也護垂白，躍凍來江鱗。  
孫貽正縈抱，母教且斷紆。寧知雛鳳毛，翮目殊衆禽。  
故人趙中翰，見之爲開襟。我歌唐兒詩，遂許諧友琴。  
重除洞庭野，張出經帷音。引分同盡瘁，幽明相感欽。



事竒出意表姑目明雙沉大呼重吳徹不假仙人鍼  
一朝豁銀海掃盡織雲霧前聞實希有分明彰孝忱  
耒亡四十年抱雪成瑤林恰當慶周甲褒綸天上臨  
風聲滿湖嶽哀怨消湘岑將看表世瑞扶綵環冠簪  
嘉祥本自召迴瀾信古今誰云華賞嗇千載光彤箴

舊邑侯蔣彙征太守崇祀名宦詩

載藉矜褒崇立德觀終始悠々天壤間難覩者盛軌  
卓哉中憲公威儀當代起列戟擁經笥瓊標壓朝士  
因之擢文儒出奏鳴絃理翔鸞日邊來停我荒陬枳

如傷單惠心再造開多祉方公行志初康濟具端委  
既登太守堂商霖乃徧被當時湖湘人編頌如編史  
方而古良材第一徵 金璽熊軾爭相迎大羆凡三徙

所至化俗成德教歸大指惟公所設施皆欲信千祀  
中州靈所升享侑先筵几輿論鬱湘川曠典久顛俟  
今茲俎豆陳奔趨父老喜羆縣舉同時迎神接歌徵  
况復嗣武人後先繼麟趾封爵報松楸盛事將無比  
迢々四十年始終觀構美公神炯在天垂範無窮紀  
春秋仰嘉祥山川共流峙



侯謝長沙劉明府

景星不恒耀麟角何其孤嘉祥萬一見見者怵奔呼  
恭瞻玉衡朗粲七人當衢威儀慰曠覽湘日回清娛  
家承漢經術置身賢聖區紛七觀羣態行志不肯渝  
談笑且四應政妙神理孚遙規古弘農著異猶避諛  
臣心總如水洒處皆雲膚文人偏濟時眼前歐與蘓  
千里望樾蔭誰不懷此都有耄聞善養正願緩須臾  
俄逢震風起弱葉驚欲枯德音天上來傷惻施提扶  
不以他人艾而岐水火虞卓哉六君子胞與何勤劬  
嘗疑致主者律熟書乃蕪才德信有族公才元凱俱  
益香千萬縷卿霽凝天樞

觀察馮公修復章華亭沔州祠堂志頌

往稱六合民宅生于縣主吁嗟後代人傳舍視其部  
道州自作碑桐鄉自卜土功德信不祗情田可逆睹  
誰能對梁公煌七受簋簠敬哉華亭師神明峙霄宇  
光與日月爭河山氣吞吐當其牧沔時魚龍歸綠藪  
千頃湖無波百里蔭高杜春行几研間帡幪不知雨  
更絃五十年好音在比戶剪盡門桃李菱棠終不腐



重請飭遺祠父老來三五羊杜適在上懽然聽接俯  
一旦復威儀靈旂儼持斧繼者新琴簾守者舊叅簿  
此事關千秋後先集懿矩江漢承流風茂宰爭鼓舞  
仰見今旬宣清相遙接武吉甫盛有詩方爲大賢補

題天師符

木井陳氏求

綠字古天書神秘不可辨龍虎山中君世立三清墀  
佩劍縮靈文驅雷駕紫電仁義正直言默述皇穹撰  
奉勅禮嶽來上謁朱陵殿筆戱行罡風書符滿州  
縣五方威所臨百恠皆革面里中木井陳舉家樂爲  
善奉符如奉天安宅永清奠

卯冬寒雪寄懷舊著樾史璞菴司馬

積雪辨息慈窮檐解寒暴藹匕行春八胡爲在白崖  
疇昔開九疑千里卿雲獨移輝入玉衡羣象爭浴沐  
襜帷暫一褰暖律徧湘谷惠懷如大鈞吹萬不辭育  
誠踐台階行物豈憂溝瀆雲陽忽作氛遮斷湖山昱  
蒼生祚何微不得終蒙福欣茲荷匕聖明憐匕軫南  
服浩蕩特予租哀方切黃竹倘許達輿情賢路重登  
轂冬日愛如初雪還成瑞卜野臣先負暄百頌呼



嵩祝

曾虹受見貽攄情詩五首依原體次古字韵

九畹芝苦焚龍門罷嗣武冥七湘岍花寂七仙舟櫓  
賴它持斧人攄桂艾其腐氣象還萬樓聲光映前古  
筆與化工爭雕蟲不得伍詞成如龍駿將爲天下雨

次事字韵

嘗讀百一詩掩卷發歎喟托言適閩人嗤書不入笥  
委婉告所如砥硤不足器此固諷在公亦以悟輩顛  
茂先智有餘縹緲具百駟奈何聚蠅聲相與瞪蚋肯  
繼起古南豐大擷菁英萃鮮衣怒馬中褫華歛聽視  
龍賓與管侯却出備臣使以茲娛太公樂過昔鼓吹  
窺河得其源因之立家事乃知哲匠心憂七營枕秘  
年來味芳腴玆若漢殿荔豪傑與衡湘衡湘自有意  
雲間朱中翰往與念昔尊人同官特作山水画  
册贈之念昔屬題 第一幅倣黃雀山樵  
磅礴作嶽勢不帶雲烟輕遠結五峰想劃出全身衡  
置居傍崇秀爲友收崢嶸松行粲然立引翠歸檐楹  
故人舊鱗葆謾七猶有聲曩時浣薇露衰漢千仞英



遺風來眼底不覺勞經營輞川豈徒慕貴持門戶清

十日盡胷臆首追王叔明

黃崔山樵者画家王叔明別號也

永新彭漢桓兩親借壽徵言

尊人先生八袞母夫人七袞

恭聞彭先生今代之真人服道義農上天徒相與親

浩然暘皇覽祖述錢所循周璜谿上業王母室中賓

協情松桂永斟酌瑤水醇維崐良蘊寶嘉玉得其神

蔚為才子族粲七羅昏晨承歡用筆彩洗爵來高輪

伯領長筵賦先紆葉令綸宮袍次第著子舍皆仙臣

星詹千萬里二曜炯愈新信哉大彭澤留得古皇春

壽和子弟兄四十

時湖南旣亂初定

神仙不可學英雄笑長生負質儻岍異常與氣數爭

滄桑變人闡堅者保其貞汝我降非時青春而夜行

十載狎狂颶不測造物情疆志回白日磊砢申崢嶸

百年纏四十已若仙奕更敢不念歲月為子稱巨觥

子房長源後五嶽鮮功名寶君神仙才恃之如嵩衡

吳龍媒改官旋里適值五十初度作一詩佐觴

誰云清淺難與子閱桑海何以駐丹顏梧竹豐鸞彩

皜然瞬令姿素避元規况頓轡來松間松雲生鬢



元松岩詩和卷之三  
五言古  
九  
羲馭日以遷孩游愛無改悠七時會人鳥知古處在  
疇昔共鷄鳴沐日戒荒怠我落慶子登風義相勗倍  
祇今敬遽瑗方中修軫待高秋嶽色開掌露芬如蒞  
洛耆將奉君且惜東籬采


爲南塘菴僧勝若徙各勝因字之曰仁者更贈  
以言

南塘勝善地厥構自天親後徒奕葉起學佛皆恂  
出家貴初德畏爲習所湮敗則等焦芽護念敢不純  
開士名勝若志欲超

云若何旨取義無可循

告子易嘉命徒之曰勝因根本立萬事况此萬德身  
因勝則果勝如彼核中仁良斂滋一雨大千皆我春  
依名更立字仁者表其真是爲第一義勝善垂無垠

初創菴者四人  
同乳出家







原件短缺

P1-P2



日月遷兮金石化靈籥塞兮鈞奏罷邵陵片玉舍元  
音雲英鍾得連城價一朝毀擲斷拊歌寶焚玉碎傷  
如何空留半壁栖芳草徒向白雲聽碧波黯然泗鐵  
聲銷默塵夢攘也昏曉惑鴻寶非時不肯鳴發我商  
歌滿胷臆風雨來弔江氣凝不聞蛟龍聞蒼蠅山川  
瑟瑟吹沈鬱無數池塘鼓吹興嘻噫吁珊瑚擊兮楚  
珩裂女媧拾兮秦皇策隨音散落海潮中還爲周璜  
與漢壁

夕過雷乘六借飲周羲菴寓中同集者范明府



劉枚公極旅夜之歡云

天高湘濶鴻語霜我亦閒趨槎客旁斂枰貫酒不肯  
酌翻然往卽羣鸞崔天涯氣合星影橫湘夜爲之作  
芳清匡城舊有瑤尊在傾倒黃流四澆漑嘶盃各寫  
江海心懷間竿瑟無齊音呼盧大叫注伯雅無人能  
解殊謹者相逢不醉復如何豈有黃金買笑歌座中  
仲淹最後樂亦爲吾曹情抱廓古來絲繡平原君眼  
前公瑾誼如雲

壽陳長公五十

長公少季策駿飛如龍致身欲銘萬里鐘青萍紫電  
炤白日耻與蠕螫爭春冬沙蟲一旦蔽天地徘徊六  
翮違心胷披榛割據九蘭畹烟波浩蕩蘆中卿前臨  
渭叟之釣水後蔭綺皓之雲松芝田紛紫秀尊陌倒  
黃封湖邊雀使無停翼天外鴻鸞多廩供幾人恃君  
以爲歲望君古道還黃農千秋皇覽百總半息機補  
罅殷彌縫笑騎白鹿馭羲轡長是青春錦帶容

唐魏子招同李煉師酌雪

雲葉徘徊遊子衣不到昭潭雪不飛鸞皇胷中但停



霽最念風前雀餼微爐紅尊綠特開閣名家重數尺  
天韋樓居之人下縹緲野客偶聚窺藜輝仙人戲砂  
天戲玉飛入画幃填漁磯遂有雲氣生吐納更出虹  
書就指揮道人手嶽志正訛愛君煉石還湘色栖鳥都求寢  
閣歸此時南畔蕭條甚湖天幾處延餘暉皓翁掀髯  
向公笑十年作相卿雲肥

庚子五月遠菴禪師自神鼎貽書箴壽家 大  
人六袞久之入山相謁再宿乃還越兩旬復  
致偈問因用壽詩元韵寄酬一章

神鼎高吹謾匕風妙翻廣樂張湖東飄然遠下庭際  
松雲霞記憶劫前逢蚤有新詩問菊叢深山佛宇羲  
皇同紫芝白蓮阿堵中拈花現出桃源紅青鞋特扣  
白雲封踰溪傾倒忘凡庸黃金界外玉笥峰了如獅  
子行秋空榛苓勗我輟歌劇歸來人境續雲鴻還將  
心第安予悅風流楊李指霄穹師云此事天壤公珠  
回玉轉誘飛蓬新機浩匕杲如瞳誰能豁爾忘朋從  
葛巾寧但沉醇醲窺窺儒佛還相宮江上峰青曲再  
終心隨海若涯無窮



晚秋萬福林雨中小酌破門尊者過予劇譚助  
飲因成一章示之

雨積秋林魚磬邃  
勅斷軒騎轉清思  
書行漸落雨行疎  
阿咸携酒正盈觴  
開窗取盞菊花前  
秋陰亦喜人無事  
南岳老師揆我閒  
欣然呼酒來相值  
口不談空手盡空  
太平遺事話新豐  
摩挲袖中出半芋  
使與持

螯辨異同因翻石浪較花雨更展蕉筒下戲鴻

師出示石

浪集及所書艸帖

年來無人當師意  
雨聲笑斷青雙瞳  
山中

富貴城市淨蒼雲  
白雲本無性秋翻  
賴雨雨賴師揆

轉頑氛作空鏡  
此時七十二峰間  
倒徹天門聞歎咏

雲邊有物薦師機  
雙翮迢<sub>七</sub>刷秋勁

### 歸州麥秋行

江村麥秋連雲黃  
與客散步歸州塲  
老翁挈孫姬引婦  
荷穗載程紛夕陽  
車塵袞<sub>七</sub>荻沙上柳  
下聚息勞酒漿幾  
輩鰲顏最作苦食  
罷經營到餘稌驅  
牛曳石踐耔行左  
紉右鞭貫三五騰  
<sub>七</sub>旋犢如旋駒我  
欲畫圖贈農父見  
慣田家樂事多江  
湖觸目思巘阿北  
鴻南燕各異向長  
年古風情奈何田  
父搖頭笑相謂君



不見楚人終歲勤婦子饗殮輟盡逋催科

劉美度五十詩客長沙長至二日

湘鴻歲晚寒相逐密雪初聞洒林屋璣瑜一片對青  
藜歎息袁安善幽獨桓今劉子半百歲少長持觴隔  
松菊座間有客不謂然人正依劉爭挽轂丈夫生卽  
射四方何況用意救衰感玳筵毳袖不知寒布衣偏  
肯念杼軸斟酌元氣師嬰兒拮据手口非碌<sub>匕</sub>車馬  
何嘗不在門仲連笑謝千金祝請看遠邇放鴿人紛  
紛抱籠向靈麓歡然烹雪酌劉君至日正長天正復

憲府盧公七夕望雨限雨字不得涉七夕事

鮫人夕抱火珠吐湘氣湯<sub>匕</sub>不消午關心箕畢夜如  
何獨有登樓庾開府恭聞憫念雲漢詩檢束陳阮湔  
詞躡此時栢臺露暗浥穆如清風洒林藪去歲辜帷  
冰雪中魚鳥游翔艸木舞蚩<sub>匕</sub>今亦忘其憂我有二  
天爲澍雨

巳未上巳夜集大風常邦懷檢號韵申好報道

到悼五字卽席促成同蔡白采時長沙初復

追得良辰杼宿好餘寒乍省花風報祓徧湖湘正洗



兵芳歸林壑皆遵道壺觴情似秉燈遊鶯燕聲應尋  
客到聽斷江波青入懷亂魂消盡三春悼

隨 王駕至信陽道中看射虎應 教

鉦鏡出雲雲未舍殘堞無人卧石馬猛虎憑風嘯道  
旁龍旂直取黃茅野須臾笑上艸披分左睨右顧諸  
雄軍挽強控勒各相待王曰不須勞爾羣一發應弦  
洞胸理快哉貫腹殲四子車上懸皮示殄憖軍中分  
肉如醪水南山白額不復行村扉明日開柴荆年來  
王威震山谷一路雄風增廓清君不見去年八月戰  
雙井伏莽咆哮亦負猛指揮壁上奔雷霆迸裂遊魂  
散楓嶺在山何曾保藿藜虛張牙爪蒙斑皮老生看  
獵意亦奮笑他蹲石非真貌

客都門初晤程德基晨夕最密因有作

白嶽才人梁苑客玉花小馬穿九陌頗似長房騎竹  
龍郊逢羣恠不使役

德基舊家子  
以醫隱長安

我來後君餘十年

白頭遊子情甯然袞七車塵束手立蘭薰雪沐勞周  
旋疇昔聞聲自劉子劍光隱躍天涯裏相逢故伎漸  
相徵續紛藻翰如雲起連朝把讀百花詩美人壯士



何餘思散後黃金還買酒英雄學仙那得知請看忘  
機四訓醉坐裏華胥調嘗落輝庭白鳳毛已竒歸去  
何疑大笑作君有梅花玉圃弘我亦松風樓數層願  
抱孝經隨崔背醴酒何如掌露澄平生求友逾千祿  
此地得君非鹿匕弓裘吾輩勿須論旁人不解雲龍

逐

德士嘗與朋儔哀匕談笑  
俄閉目輒熟寐軒聲達座

留別常邦翰儀史

頭白離親作遊子別君歸去君心喜往還萬里竟何  
為三年奔走春風裏前年社雨見君初剪燭題詩對

湘水去歲隨君渡鄂江馬上看殘紅白蘂此時柳色  
送人還絲匕爲客垂南指人生踪跡難自知天涯肝  
膽向君是三載春風笑看人感君義保論交始別君  
回寧徘徊柴桑雲煖雙扉開君應折柳鞭駑駘別君  
去勿忽遽且欲爲君抒一語西園燈火莫辭煖 王  
明最鑿清與淤霄漢終當威鳳翥北堂慈賢福所據  
慎愛千鈞屏細豫重闈漸遠關河多移佇東風三五  
處

酬贈周履坦供奉爲予作小影兼送之入嶺南



幾人萬里筆橫縱老來却見周供奉絕倫材藝最深  
 情不擬梧桐不肯用遭逢竟被九重知殿上風雲展  
 妙思此時盛名等賜第千秋光寵依龍螭下朝詩卷  
 紛投玉袞七炎七若不足誰知一片化工心密與奇  
 文相結束南帆暫一掛輕航乘秋徧寫幽人莊秬今  
 九畹飄零甚瀟湘慙對米襄陽賴集毛余兩詞客嚴州  
毛君會侯白門余君西崖倚麓譚雲送晨夕柴棗中人寂後來十  
 日看君画一石相逢無意回瞳青欲施文采遮頽齡  
 我急鴛原歸艸屋君亦懷人泛洞庭木落天寒重覲  
 商客牕自喜陳尊研淋漓雅誼生我情經營清曉無  
 人見圖成明日溯湘波江嶺顏開事又多懷君意在  
 筆墨外丹青舊引未須歌

朱希聲先生索題小影

昔聞有美生都梁僊李翹七玉葉芳風流文采驚鸞  
 皇遭逢赤羽塵飛揚手提匣中三尺光翻然躍馬登  
 疆場輕裘錦帽梨花槍英風睥如被四方虛擬丹青  
 閣上張知時白馬歌來王故宮禮器蒙包藏不令隆  
 準在路旁日食大官隨奉璋涵濡歲月壽且康耄歲



予息省故鄉馬蹄芳艸擁瞻望竭懽累日從壺觴落  
鷗神采殊未央節旄騶馭紛登堂却欣文酒來清湘  
才鋒不禁搖餘鋒大徵蘭蒞羅琳琅翻思顧盼扶馮  
唐見者傾心生慨慷不知胡爲見者傾心生慨慷画  
翁贊翁窮揣量

山長先生爲戴楓仲画丹楓閣索題

丹楓閣高不得陟去天尺五舊雲色山中之人悟灑  
空倒卧天根踵天息林茂樹七舍雨香東籬齷齪非  
其域眼前突兀驚詞壘青山不言詩有翼摩詰苦心  
一再圖元氣淋漓神轉逼不知何人當楓翁山高水  
長清風側

題李碩年先生小像

碩年先生起隴西席頭燕領見端倪爲廣爲晟才望  
齊臨淮壁壘蜀江岸亭七嶽峙下無谿當時正氣凌  
長蜺蒼梧重策驂騶嘶回頭顧笑謝烝黎幡然解帶  
來湘畦邂逅先君便畱稽天寶遺儕見若悽情親懿  
好聯壁圭旁人未解真笑啼烽烟判散南北逃十七  
年餘違命提殿公遇我重懽携展示画像驚神栖雙



元初老詩和卷之四  
二  
眸炯々疑相睨衰衣拊手空塵締耆英獨覲公袍綈  
蕭然起拜江雲低画師不設杖與奚平生獨立無攀  
躋山高水長欽往兮續貂緗焉復何題

量田行四十韵

今年冬日暄山谷老翁未敢墮户伏勇隨丁壯走田  
間越陌不須扶杖竹初做繩弓妙卷舒準之隸首十  
失六明府權衡良法中繩尺兼施憑按覆量雲量水  
皆有依山農石農罷愁颺五日踏徧雙鳧莊自此攀  
蘿入深麓風前有毡不暇煖朝履青霜暮削牘循北  
穿雲折入西所過高原夾溪瀆怒蛟每歲鼓洪波鐵  
岸不得保沉陸我有膏田在水濱強半分與鷗鳧宿  
已沼已谷當荷蠲此後崩騫弗忍卜去年則壞軫此  
瘼帶入水鄉百一錄亡何田正手高佞無土橫加翻  
見感羅織析渺輸寸心皇穹皎日相昭暴昨日有人  
州府來傳說案成難改縮腐儒束手思再三惟有自  
誣合其目版書一篋重吮毫雪飛正奪簷下曝深山  
田夫特踞侮嗔我踰額詞不服還將好語慰諸農兩  
輩常租豈苛黷于今在上皆仁人此事終當蒙辨鞫



神君秉鏡清渭分憲節褰帷一路福貌茲陋邑誠蕞  
爾生產所殖惟一穀百需仰給田疇登糶賤從來鮮  
聚蓄征科密後戶籍虛兵燹深時歲灾複舊家不競  
五十年門閥大拒盡碌々自從邵陵耕者來引顛苗  
畚新比屋幾年布滿西南鄉荆榛復化爲種稔却與  
田主抗主賓逋租瀆法非良族一朝颺去棄如遺連  
阡轉盼成荒幅耰鋤無根稅有根有識不言憂在腹  
向非憲府真滌除紛々無藝難更僕眼前陵谷且不  
常徃代棄麻安可復慨披前明舊版章賦日初終殊  
不副當時神廟末年間五斗遂已徵三斛田額何如  
賦額多請將兩額揆之熟 聖代憂民邁堯禹四訖  
無垠切舍育倘茲徼鑒萬里明恩膏浩沛非霖霖人  
情爲田古記之億萬斯年敦井牧謠云丈後有豐穰  
明年擬快幽風讀老翁奔走行復歌一雪更晴天賜  
燠

依韵荅孫臯丞貽贈長歌

鼎州臯丞署  
寧事三月

讀書一生慕蘓白文章政事照青籍垂老觀公如古  
人龍門許放溪山屐前歲瞻雲太守衙圖書永晝生



文霞淵澄玉映憺無事感人默心歎嗟何期受曝  
冬暄人更庇山城臨北斗章袞歌聲三月餘風流將  
徑千秋後全身真氣絕塵侵春陵行裏却癡心偶然  
欲聽蒙莊論笑指柴桑作杏林思波四溢催耕早武  
陵源外花光浩九州佇觀大文章還逾白傅和坡老  
癸酉長至五日蔣幼李遠送內侄女歸于儀孫

荷賦長篇見貽奉酬一章

瓊枝每接如初秀見君只記當時幼當時朋舊愛黃  
童又舉于今躡君後歡母斑斕且滿堂黑頭翁舞萊  
衣袖老眼留看到此時爲君一掃酸辛舊湘臯芳艸

玉筍雲兒輩相從緝蘭臭文酒時尋席鼠遺

幼李婦翁趙中

翰舊有席鼠齋

琅玕意氣平原胃憶昔春寒花信時中翰開

尊連夜晝介君鼓舞賦河鷹

用蔣防賦秋河得婚賦講鷹得薦事

綠絲

紅綫雙成就外家風韻至今存三十余年一回首何  
意吾孫占鳳飛亦與平原叶天邁成茲舊睦有自來  
間在江鄉蒙佐佑百拜交修益盡懽喜氣排寒作春  
候新詩更帶鳳瑄鳴吹我梅花開嶺岫姻葭友辟諄  
向人青雲誼照停雲右晚歲欣承千仞輝笑酌一盃



還自壽

送歐二法旋里

憶昔與君俱少時先後執經同一師君才卓犖十倍  
我筆吐白鳳拏龍螭從師來看湘山水山爲增翠水  
增漪頽子梭壁蕭條甚誘策惰子紉機絲報師一用  
師時雨沆瀣之誼真淋漓鄭鄉植桤罷吹桂稜匕大  
斧厲君持煙雲變幻逾廿載送棹天風吹未吹幾年  
傳得南州信虛榜無歐人恠疑重過三徑掃敗葉盡  
驅積恨揮酒卮呼出諸孫北面拜滿山星月光離匕  
君周甲子我益老情深頗惜日輪移今冬罕曝頰簷  
下傍君意氣如晨熹燈藜正發烟霜煖如何不醉催  
歌驪作詩賦別難爲別千秋師友此斯須

穉司馬董公政聲頌

董家自昔政聲優前有晉陽後幽州政餘遊宴鳳皇  
壁叔山垂名尤風流眼前金璽照袍笏才族遠與元  
愷儔請看潭穉賢司馬誦聲轟起湖湘野卓哉麟武  
接千秋裘帶翩匕亦瀟灑龔黃以來讓豈多寅恭盡  
欲屈其下湖湘赭若積有年公來轉涸爲清泉掌露



一布嘗千里奉之如神企如仙峴雲樓月相先後星  
垣更倚公爲天天高吹萬抑何茂嘉木良苗爭向秀  
最憐九畹噓春風寨問有時及巘岫墻東愛日曝有  
餘循分終隨魯生後不敢見公應祝公佇 錫盤龍

登袞繡

貴閩中先後開府  
蒞楚者凡數公

江陵毛太母割股療姑徵詩

全歸翻不辭傷毀有身原備尊親使得濟尊親生始  
完於義寧私保膚理千萬人中覲一人橫溢寸丹非  
勉爾敬哉毛母王太君是古忠臣古孝子母昔籠紗

坐寶牕木蘭提劍非其比一朝爲婦鞠吾躬忍創何

殊嬰石矢母所經營是旨甘籬畔琅玕冰上鯉如何

堂北卧沉綿截髀竟勝杏林七平時敬慎主芳蘋觀

書常戒下堂履及聞餌肉如餌丹試办倉皇忘避苑

疇云禮不尚畸行魯閔從容亦誰似當熊委命終性

成析肉還親古佛耳請看羣盜闖其門虛空顯跡來

呵止請看冒雨挽靈輻與破重雲天日喜多少鬚眉

但保軀靜言思之汗如泥程今毛氏閨闈間絕誼煌

煌且繼起惟母真全子與臣風聲四被歌天只

盜至門聞



空中神語孝婦家毋得犯堊姑值雨號慟呼額俄大  
霽得竭襄事季婦李亦有剖收之孝俱臚載徵引中

### 壽廖大隱六十

湘澤有人延古清經營九畹芝重英千秋之遙篤用  
情特立物表持其衡結廬人境儼蓬瀛良醞三升書  
百城謫仙賀監纏通名酒壚聊一見王弘詩成奔走  
來六丁紛匕扶輪尊老成大雅復立如元貞玉衡照  
篋星爛明文光無窮百寶生隔江老友懽引聲

### 邵州董太守得古鼎鑪佳絕繪圖屬題

有匱嶷匕象鼎璜雙虬作鉉拏仙章大力戴之維三  
方凝丹滴翠炤縹緗通身自積日精香金猊避去寶  
鳴藏曾結彤雲捧玉皇隱見川嶽移滄業欣隨神爵  
來黃堂從公告夜彩瀾光玉女傳言錫壽昌

### 壽廖子厚廣文六十次去秋貽祝詩元韵

絳帳有人君子獨門桃陰肅高堂讀傳家萬石舊交  
州笏床移至書連屋栽蓉佩璐耻言貧濶老波瀾意  
益新已見鯉庭驚白傳還追騷雅陋吳均幾年賦獵  
金臺下凌雲健筆驤天馬翻然張樂來滹谿誰共簪  
花細雨者後趨人盡媿瞠乎先生道實無隱吾懷真



抗俗不肯薄嶙峋非願與人殊疇說無情天莫老于  
今萬象縈天抱吾徒擴體學皇穹暉吉長如列宿好  
往荷先公縞帶辭數從羲日質心期隔年欣報稱觴  
韵記得千秋共勗時

贈起宗大師頌言

真州陳氏母芙蓉古梅和尚  
髮度法子

師棄翟弗出塵既得法不遠數千里溯湘入芙蓉  
謁諾起塔且爲本師古公特建窣堵波漱水隨堂  
荷衣卧雪寢難堪之忍報不報之思出格偉人法  
門真子忝茲山之社客用申頌于行幢倚杖攄辭  
當臺展拜伏惟納祐永信流通

陳家北堂檀作閔紅爐爆地蓮華放經帷盡捲寶沉  
江一葉清風天地曠全身放舍層巘巔手受烏藤七  
尺杖層巘高在古瀉源雲深界外芙蓉嶂萬仞毘盧  
俯衆山芙蓉蠹天不肯讓師看截業平復平妙高終  
不在天上荻花渺七青霜飛溯江直破重湖壯荷衣  
慘澹雪峰寒煙水蒼茫新塔樣此事由來大丈夫氣  
宇如王真過量人云師是聖善身師曰我非男女相  
君不見范縣君近地翻身何倜儻又不見張秦國一



朝爍破千華藏卽今大師尤超然豈但古人肩背望  
吁嗟三教俱沉淪祇是形骸作崇障人天敬重者伊  
誰至心稽首起和尚

